



Con bon Aruba ta prepara pa e problema di sargassum?



Pagina 6

- **Con e Atlas di Impacto Climatico por yuda Aruba combati cambio di clima**

Pagina 4

- **Peruanonan rabia despues cu presidente a redobla su salario**

Pagina 10

- **Polis Danes ta examina pakete sospechoso na embahada di Israel**

Pagina 20

Parlamento ta critica minister di Deporte pa no tuma decision



Pagina 3

Personanan sin cas a ricibi ‘gift voucher’ despues di relocacion causa pa cumbre di NATO



Pagina 8


TICKET SALE

10% DI DESKUENTO
CU SALIDA TE CU 31 DI OCTOBER
BISHITA NOS TUI SHOP OF BISHITA NOS WEBSITE WWW.TUI.AW Y RESERVA AWOR

CELEBRATING FORTY YEARS

**2,000,000
SUMMER
POINT GIVEAWAY**

JULY 1 TO AUGUST 31

Win your share of \$20,000 in points!

20 WINNERS EACH DAY

You can win up to \$100 in Points!

Swipe and play free once daily. Earn 100 Slot Points or 16 Table Credits and play again – up to 5X each day

See Players' Club for full rules. Points can be converted to Free Slot Play.

Alhambra
CASINO AND SHOPS

Open daily 10am to 3am
J.E. Irausquin Blvd #47
288.9000 | casinoalhambra.com

Desaroyo cultural y literario di Aruba

Antes y Awo

E cultura Arubano a mira varios desaroyo substancial durante curso di un siglo. Cu e introduccion di e refineria Lago den comienso di siglo 20, sigui pa e di dos Guera Mundial y e incentivo general di independencia politico durante mita di e siglo, e identidad cultural di e isla a cuminsa tuma forma y desde e tempo aki a desaroya via influencianan tanto local como internacional.

Den e era pre-industrial di siglo 19, no por bisa hopi tocante e identidad cultural di e isla. Formando parti ainda di e territorio colonial di Hulanda e tempo aki, ademá di no tin un autonomia ni economico ni politico (mirando cu Corsou tabata e centro di comercio, bida cultura y maneho politico di Nederland Antilles e tempo aki), e poblacion chikito di Aruba tabata consisti mas tanto di agricultornan y piscadornan, kendenan tabata cuida di nan cria y cultivo of tabata bay pisca pa provee pa nan famia.

Manera Quito Nicolaas a comenta den e articulo "Historia di Literatura Arubiano: E Bida Cultural", "durante e periodo pre-industrial, no tabatin actividad economico significante cu por a crea un ambiente cultural, cu solamente un manera pa genera ingreso e tempo aki pa e sub existencia di famianan Arubiano."

Te e introduccion di e Lago Refinery na San Nicolas den 1928, e isla a mira un 'boom' chikito den manifestacionnan cultural y entretenimento, mientras agricultornan a laga e bida di cunukero atras pa traha den e refineria, cual a

resulta den e adkision di un pilar economico diferente pa Aruba.

Prome cu esaki, entretenimento y manifestacionnan cultural tabata experiencia mas tanto den parokianan local y e isla su 'elitenan', kendenan hopi biaha tabata tuma parti den actividadnan cultural y di entretenimento rond di e isla, manera bay cinema of reuni pa comparti poesia diadomingo despues di misa.

Bida literario

Durante e siglo 19 y te cu 1940, tampoco tabatin hopi rasgo di un clima cultural pa e sector di literacia cultural riba e isla. Educacion primario a keda introduci riba e isla den mita di siglo 19, sigui pa educacion secundario y educacion di nivel mas halto den fin di añanan 30 y 40.

No ta te cu mita di añanan 1950, cu e introduccion di e acuerdo E.R.N.A den 1951 y e firmamento di e Statuut den 1954, cual a permiti mas espacio pa y control riba e desaroyo cultural y economico di Aruba, cu e bida literario riba e isla a cuminsa crece substancialmente compara cu e decadanan prome. Esaki tabata den respuesta na e institucionnan local estableci den 1940 pa crecimiento cultural y literario, sin embargo esey ainda no a hala e atencion di e publico general.

1950 a trece cune un 'boom' den produccion literario riba e isla, manera esnan di V.S Piternella, ademá di esun di autornan migrante manera Jose Ramon Vicioso y Rings William Rufus, kendenan tambe a contribui na e desaroyo literario di e isla. E movimiento literario tabata



promovi mas aleu pa emisoranan local manera Voz di Aruba y Radio Kelkboom, cu nan emision regular di obranan literario.

E añanan 1950 y 60 tambe a mira e influencia di turanan internacional, specialmente esun di Merca. Durante e tempo aki, a causa di e influencianan internacional ademá di e prosperidad continuo di e refineria, tradicionnan cultural na Aruba a cuminsa tuma forma y bira amplio, mientras diferente conceptonan mundial y local a keda introduci den e sociedad Arubano. Cu e establecimiento di stacion di television local Tele-Aruba den 1963, y cu tempo y posibilidadnan, programanan local manera "Nos Tera" a cuminsa presta mas atencion na e cultura Arubano y a traha pa forma un consciencia cultural dentro di e comunidad.

E aña 1960 tambe a mira e subida di autornan local y artistanan, kende tabata mas confortabel cu e produccion di obranan den nos idioma, Papiamentu, pero ken tambe tabata produci obranan den



Spaño, Ingles y Hulandes.

E fenomeno nobo aki tabata den respuesta na e interaccion entre crecimiento economico, prosperidad individual, bida cultural y expresion literario.

Siglo 21

Awendia, influencia internacional den nos cultura ta prevalente ainda, specialmente esnan di Latino America, Merca y Hulanda. Sin embargo, tambe ta existi un identidad cultural fuerte y tradicionnan cu ta exclusivo

na e cultura Arubano, hopi biaha manifestando durante celebracionnan tradicional manera Dia di San Juan, Dia di Himno y Bandera, campamento durante Pasco y hopi mas.

Cu e popularidad di rednan social den e ultimo decada, bosnan artistico, specialmente esnan di generacionnan mas hoben, a bira mas prevalente ainda y facilmente accesibel pa e comunidad di Aruba via plataformanan online manera Facebook, Instagram y TikTok.



#BNA-DIG-HARTOG-CAHA-002-027-002 | Biblioteca Nacional Aruba - Coleccion Digital
Requests/info: digital@bibliotecanacional.aw | Source: http://bna.aw/digital



#BNA-DIG-HARTOG-CAHA-002-027-004 | Biblioteca Nacional Aruba - Coleccion Digital
Requests/info: digital@bibliotecanacional.aw | Source: http://bna.aw/digital

Parlamento ta critica minister di Deporte pa no tuma decision

Recientemente tabatin un reunion den Parlamento di Aruba, unda minister di Deporte, Gerlien Croes (Futuro) a presenta pa pidi gevoelens di parlamento tocante un rapport di Centrale Accountantdienst (CAD) tocante subsidio otorga na Aruba Sport Unie (ASU). E rapport di ASU, ademas di e solicitud di e minister, a genera hopi discusion y controversia den esfera politico di Aruba.

CAD a traha e rapport riba peticion di minister Gerlien Croes, tocante e subsidionan otorga na ASU na 2024. Siman pasa, algun detaye di e rapport aki a filtra den prensa local, cu a reporta cu tabatin violacion di regla y requisito pa subsidio cu a duna ASU. Particularmente, e enfoko tabata riba un proyecto pa Centro Deportivo Betico Croes.

E problema principal tabata cu a pone fondo disponible pa un proyecto di atletiekbaan, mini voetbalveld, y algun cos mas, mediante un acuerdo entre ex-minister di Deporte, Endy Croes (MEP) y ASU. Sinembargo, e manera cu a haci e proceso aki no tabata corecto. Ta trata aki di un suma di 600mil florin, di cual 450mil a keda otorga caba, y e 150mil florin faltando mester keda entrega pa e minister actual, Gerlien Croes.

Segun e rapport di CAD, na final di gobernacion di Gabinete Wever-Croes II na september 2024, ASU a firma e contract cu gobierno pa e proyecto en cuestion, y tres dia despues a haci pago di e prome factura. Esaki a crea sospecho cu e proceso no a cana e manera debido. Segun relatonan den prensa local, maske e proyecto a keda presenta como un proyecto di gobierno cu ASU, ASU no

tabata mucho involucra, sino ministerio di ex-minister Endy Croes a dirigi e proyecto riba su mes, incluyendo compra di material sin un destaho transparente.

Tocante e acusacionnan aki, parlamentario Endy Croes (MEP) a haci comentario a traves di un transmision en bibo riba Facebook. Croes a confirma cu tabatin un rapport di CAD riba e proyecto tras di Centro Libertador Betico Croes. Segun Endy Croes, minister Gerlien Croes “a bin cu su staf Parlamento cu tur e documentonan” unda el a “haci comosifuera cu ta ultimo ora a core prepara algo, cu ASU por ta no tabata na haltura di e proyecto, a duna nan placa pa nan bay paga, etc.”

Durante transmision, Croes a muestra un map bisando cu ta trata di e projectdossier, bisando cu a entrega esaki desde maart 2023. Segun Endy Croes, minister Gerlien Croes a “pretende cu ASU no lo ta na haltura di e proyecto, esey bo por destila un tiki.” Pero segun Endy Croes, esey no ta e caso. El a bisa cu CAD a menciona e number di e projectdossier, y cu den esaki, “patras tin un carta di atletiekbond, firma tambe e tempo ey pa atletiekbond di un di maart 2023. Dus no ta algo cu a cuminsa na careda, ultimo ora prome cu mi a baha como minister, etc.”

“E carta di peticion aki tabata pa nan por haya un atletiekbaan patras di Centro Libertador Betico Croes,” Endy Croes a continua. Y a traha e proyecto aki, na e momento ey a entreg’e pa na 2024 por yega na e fondonan.”

Endy Croes si a reconoce cu tabatin critica di CAD pa cu e proyecto. “Berdaderamente CAD a reclama na punto 10



si mi no ta hera, CAD ta bisa ‘Het is al jarenlang gebruikelijk dat het landssubsidie voorschotten uitbetaalt aan door het land gesubsidieerde instelling zonder dat de subsidieverlening beschikking zijn voorafgegaan.’ Nan ta bisa cu e trayecto cu mester a cana tabata un bijzondere subsidie, dus mester a cana un otro caminda, pero al mismo momento, DWJZ ta bin despues di e rapport di CAD cu un bestedingsovereenkomst cu berdad ministerio a firma cu ASU, dus ASU a firma esaki, pa haya e 600mil florin di cual nan a haya caba 450mil. Dus e minister a bin awe pa pidi gevoelens di Staten al respecto e 150mil florin cu falta pa paga ASU.”

Sinembargo, den e reunion den parlamento y den e transmision riba Facebook, a bisa cu e conclusion di e conseho final na gobierno di DWJZ ta indica cu “het restante van het subsidiebedrag dient aan ASU te worden verrekt, aangezien de bestedingsovereenkomst rechtsgeldig is, subsidiegelden zijn begroot en het project nog niet is afgerond.”

Tocante e facturación paga, Endy Croes a bisa cu “nos a reuni cu Johan Cruyff Foundation, nos a reuni cu CEDE

Aruba, CEDE a reuni cu ASU. CEDE tambe kier a pone un proyecto casi mesun cos patras riba e mesun tereno, dus ful un proyecto aangaande e tabata. Den meantime djis pa pueblo ta na haltura, e materialnan a wordo cumpra, nan a yega Aruba – bo tin eynan mini voetbalveld, e atletiekbaan, a cumpra tambe si mi no ta hera e baseball 5 on 5, basketball 3 on 3, y ASU a pidi tambe un heki pa cera e tereno, pasobra nan sa tira hopi sushi eynan, tambe a bin. Dus e prome fase di e compranan aki ASU a haya placa, ASU a paga, containernan a yega, ASU a regel pa e containernan yega na su lugar. Dus no tabatin nada malo manera cu kier pinta den prensa den e caso aki.”

Reunion den Parlamento
Loke a ricibi hopi critica tabata e hecho cu minister Gerlien Croes a pidi Parlamento di Aruba pa duna nan gevoelens – es decir nan opinion – riba e rapport di CAD y e pago di e 150mil florin cu falta pa ASU, mientras cu e minister no a laga su posicion cla.

Durante un conferencia di prensa ayera, parlamentario Otmar Oduber (PPA) a comenta tocante e situacion. “E siman aki tabatin un disputa, discusion den parlamento pa loke ta trata un gevoelens cu minister Gerlien Croes a bin pidi ariba ASU y fondonan cu mester bay pa e stichting aki,” Oduber a indica. “Corectamente parlamento den su totalidad – pasobra awe mi a mira cu pasobra el a crea friccion entre minister den su partido y Consejo di Minister ta purba laba man – e realidad ta cu tur cuatro fraccion den parlamento a bay di acuerdo pa manda un carta pa e minister, caminda cu e minister ta wordo mostrá riba e hecho cu manera cu

el a actua di bin parlamento pa busca gevoelens no ta e manera corecto y adecuado, pasobra bo no a pone kico bo posicion ta.”

Esaki tambe parlamentario Endy Croes a critica. El a bisa cu e rapport di CAD a duna e minister dos opcion. Uno, pa paga e 150mil florin y despues regla esaki mediante un vaststellingsbesluit, of habri caminda pa ASU haci un peticion nobo pa un bijzondere subsidie, cu lo ta un proceso mas largo.


“E minister a bisa si kiden cu e kier e caminda di mas lihe pa no perhudica e operacion di ASU, empleadonan, etc, pero e no a pone esey den su peticion.”

Oduber tabatin e mesun critica. “Gobernacion ta tuma decision, y ora bo ta tuma decision, bo ta tuma risiconan. Y den e caso aki, e minister encarga cu loke ta trata deporte, tin cu tuma un decision di e direccion cu e kier bay den e caso di ASU, caminda cu no a regla e documentacionnan manera mester ta.”

Oduber a enfatisa cu “e minister mester bisa Parlamento cu ta e direccion ey e kier bay, y no lag’e habri pa parlamento su interpretacion of pa parlamento bay sinta den stoel di gobierno pa dicidi den ki direccion e tin cu bay.” Ora e minister fiha su posicion, “e ora ey, e minister por haya un gevoelens for di parlamento,” segun Oduber.

ASU mester pidi subsidio di nobo

Ayera, medionan local a reporta cu minister di Deporte a informa ASU cu no lo ricibi e restante 150mil florin pasobra no a ricibi sosten di parlamento pa regla esaki emdiant un vaststellingsbesluit. Esaki ta nifica cu ASU mester pidi subsidio y cana e caminda di nobo pa ricibi e placa necesario pa nan operacion.



Con e Atlas di Impacto Climatico por yuda Aruba combati cambio di clima

Cambio di clima ta un topico cu ta birando mas y mas discuti rond mundo, mirando cu estudionan científico ta sugeri cu a yega tempo pa acelera e proceso di combati cambio di clima ya cu calentamiento global a yega un punto critico. Den februario 2024, e programa di Union Europeo Copernicus Climate Change Service (C3S) a lansa e Copernicus Interactive Climate Atlas como un herment pa creacion di politica relaciona cu clima. Aña pasa, Aruba a tuma un stap similar cu e Climate Impact Atlas Aruba, un proyecto cuminsa pa e National Climate Resilience Council di Aruba (NCRC).

Cu e introduccion di e atlas, a habri porta pa colecta y provee dato climatico importante no solamente na beneficio di stakeholders den diferente sector economico riba e isla, sino tambe pa localnan por ta educa y tin e oportunidad pa contribui na e movimiento amplio pa aborda e impactonan di cambio di clima.

Lansa den april 2024, e proyecto di e atlas climatico ta involvi e colaboracion di diferente partner local y internacional pa provee experticio necesario na e atlas y alabes na aplicacion di e informacion disponible. Entre otro, Directie Natuur en Milieu (DNM), Aruba Conservation Foundation (ACF), Centraal Bureau voor de Statistiek (CBS), AHATA, ministerio di Finanzas y Utilities N.V. tur ta forma parti di e constelacion di partner den e realisacion di e proyecto aki. Manera presidente di NCRC, dr. Ryan Peterson a splica durante un entrevista cu NoticiaCla den juni, “E tema di clima y su impacto riba Aruba ta compleho y dus bo mester tin experticio di diferente ramo [y] ora tuma decision pa adapta na clima,



bo tin e conocimiento di tur e gremionan importante.”

Segun el a splica, e atlas climatico ta duna un bista riba cambionan den temperatura, biento, awasero y segura, ademá di monitoria kico a pasa durante e ultimo 50 aña y premira cambio den clima pa e proximo 50 pa 100 aña. Banda di e parti climatico, e atlas tambe ta ofrece un bista den con e factornan climatico por afecta Aruba y su comunidadnan. Tur esaki pa “fomenta un comprendemento general y bista mas profundo entre stakeholders riba e riesgo y impacto di cambio climatico pa asina desaroya un resiliencia climatico di un manera husto, inclusivo y ekitativo,” manera ta para riba website di Climate Impact Atlas.

Ki tipo di dato por haya den e atlas?

E website di Climate Impact Atlas ta ofrece usuarioan un variedad di informacion riba diferente topico climatico aki na Aruba. Consistiendo di un coleccion grandi di dato for di diferente organisacion riba e isla y internacional, e website ta un espacio central ofreciendo informacion clave, cu splicacion amplio y di manera visual cu ta accesible pa tur cu kier siña mas tocante e temanan aki.

Mapanan di dato

E mapanan disponible riba e

website ta ofrece un bista profundo riba varios tema, entre otro medidanan di temperatura, segura, tormenta, salud di rif, habitatnan riba Aruba y hasta tambe caracteristicanan social y di infraestructura.


Cada categoria tin nan subcategorianan tambe, cual ta ser representa riba mapa den colornan gradiente indicando cual area ta mirando mas of menos desaroyo of atrasando den cierto aspecto climatico. Pa cada subcategoria tin un splicacion amplio pa por comprende kico exactamente ta ser midi, con ta/a midi esaki, ken ta beneficia di e informacion aki y por aplica e informacion aki den bida real.

Impacto climatico

Un otro aspecto notable riba e website ta e seccion di ‘impacto climatico’, unda por mira ki efectonan por mira pa Aruba cu cambionan climatico. Esaki ta inclui temanan manera aumento di calor, aumento di segura, aumento den tormenta y yobida, aumento di nivel di awa di lama, grado di acido di lama y cambio den biento—tur completa cu un leyenda cu ta muestra e sectornan cu por ser afecta pa e cambionan.

Estadistica

E seccion di estadistica ta provee informacion tocante fenomenonan climatico cu ya nos ta experienciando awendia y con esaki por desaroya



pa aña 2050 of 2100. Representa den manera sumamente accesible pa usuarioan, e leyenda cu ta compaña e estadisticanan ta bin cu nan fuente tambe pa esnan cu ta interesa den e topiconan.

Con nos por aplica e datonan aki pa combati clima?

E atlas climatico di Aruba ta funciona principalmente como un fuente of herment pa stakeholders y politiconan usa den creacion di politica of tumamento di decision pa desaroyonan grandi riba nos isla. Sinembargo, e atlas y website tambe por ta beneficioso riba nivel individuo, pa ciudadanoan cu kier contribui un tiki na e proteccion di nos naturalesa, cultura y comunidad.

Calor y segura

Aruba ta experienciando un clima mas y mas calor, specialmente den temporada di zomer. E Atlas di Impacto Climatico ta duna indicacion di e areanan cu ta keda mas afecta pa calor y segura den tera, factornan cu agricultornan priva of comercial por tene na cuenta. Tambe ta importante pa por tuma medidanan necesario pa protege nos salud for di e calor extremo.

Probabilidad di inundacion na cas

Aunke temporada di yobida ta beneficioso pa nos matanan, inundacion ta un fenomeno cu sa pasa na algun parti di Aruba, unda varios residente ta haya strobacion di plasnan di awa enorme dilanti cas. E atlas climatico ta ofrece un bista tocante e areanan, edificio y cierto camindanan cu kisas por experiencia strobacion di inundacion, cual ciudadanoan por keda na haltura di dje y kisas tuma medidanan na cas pa alivia of preveni e strobacion. Esaki tambe por ta un esfuerzo comunitario of entre bisia, asina compartiendo conocimiento y du-

nando un man na nos compañeronan den comunidad.

Estado di piscamento comercial

E Atlas di Impacto Climatico tambe por ta beneficioso pa piscadornan, ya cu e mapa ta muestra cual sitio riba nos costa ta adecua y of inadecua pa pesca comercialmente.


Educacion

Educacion ecologico ta keda importante pa nos comunidad. Pa esaki, e atlas atrobe ta un bon fuente pa busca informacion y engrandece conocimiento tocante cambio di clima. Banda di e varios splicacion tocante e temanan, tambe tin e seccion di storianan, cual dr. Peterson a afirma por ser usa pa educa nos muchanan. Presenta den un manera atractivo pa nos studiantenan, e storianan skirbi pa autor Rubiano Rosabelle Illes “ta combina fantasia y realidad pa demostra e efectonan di cambio climatico,” manera ta indica riba e website.

Es mas, studiantenan universitario tambe por haci uso di e recursonan cu ta disponible riba e website, y por crea nan mesun visualisacion di data climatico (GIS) usando e informacion di e atlas.

E website di e Atlas di Impacto Climatico ta disponible den tres diferente lenguahe y ta completamente facil y gratis pa nabega. Es mas, si interesadonan tin algun informacion of mas dato pa comparti, Dr. Ryan Peterson a afirma cu esaki ta bon bini: “E ta un atlas pa comunidad pero tambe door di comunidad y ta importante pa tur hende carg’e tambe.”

Por bishita e website di Climate Impact Atlas Aruba na <https://aruba.climateimpactatlas.com/pp/> of e website di NCRC (<https://ncrc-aruba.org/>) pa mas informacion.



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhouth
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



2035: E aña unda Aruba lo cuminsa bay “off-grid”

Na e momento aki pa un cas averahe di 200m2 bay full “Off-Grid”, cu su mesun sistema di bateria, energia solar, y haci e full e cas energie-zuinig lo costa por lo menos 46.000,- florin si no ta mas. Na 2025, e periodo pa saca placa back (periodo di payback) pa un inversion asina ta 9 aña.

Debi na e gastonan halto y un periodo di payback toch bastante largo, e no ta un inversion echt obvio na e momentonan aki. Pero tur esaki lo cuminsa cambia rond 2035. Segun proyeccionnan di Goldman Sachs y otro banconan grandi di inversion, nos lo wak prijs di bateria baha for di \$115 di awo, pa cu \$60 per Watt pa 2035, tambe prijs di panel solar lo sigui baha. Usando un modelo avansa di un combinacion di DeepSeek 2.0 & Claude 4.0, nos ta modela cu pa 2035, pa bay full “Off-Grid” lo costa mas o menos 35.000,- y tin un payback di 7 aña, cu un LCOE di 19 cen di Florin per kWh, cual ta 45% mas barata cu Elmar dia di awe.

Por purba slow Innovacion, pero semper e ta sali gana


E unico rason cu nos mester di Elmar ainda, ta pasobra e kosten-en-baten di bay full “off-grid” no ta alcansabel ainda pa pueblo, na su prijs

di casi 50.000 florin y cu un return-on-investment di 11% pa aña so na 2025. Pero pa simplemente haci manera tecnologia no lo avansa den forma radical e añanan aki cu ta bin, ta nos cultura di avestruz Arubiano. Segun proyeccionnan di Goldman Sachs prijs di bateria y energia solar ta bay cay den forma radical e añanan binidero.

Si nos tuma esaki na cuenta segun un modelo hopi sofisticado di DeepSeek 2.0 cu ta inclui cosnan manera manencion, reemplazo di bateria, reemplazo di inverter, y mas nos lo wak cu na aña 2035, un sistema di haci cas energie-zuinig, solar panel y bateria, lo sali mas o menos 35.000 florin, lo produci coriente 45% mas barata cu e tarifa di Elmar durante su 25 aña di servicio y lo brinda un besparing total di 70.000,- Florin Arubiano durante e periodo aki.

Riba plaso strategico tur esaki lo beneficia Aruba


Manera mi a indica den varios analisis, ta nos vulnerabilidad na prijs di crudo ta algo cu ta fastioso pa habitante, comerciante y mas importante strategicamente pa nos reservanan monetario. Debi na tur esaki, mester accelera nos transicion pa full energia renovable cu energie-zuinigheid mas hopi y pronto cu ta posibel. Pero ta parce



mi hopi obvio despues di 3 aña ta skirbi esaki publicamente, cu Gobierno ta prefera di beneficia un grupo chikito di empresanan estatal mas cu henter e pueblo Arubiano. Un Gobierno t'ey pa pueblo, no pa “special inter-

est groups”.

Bezig ta wak tur cos ban stimula e tendencianan aki mas hopi cu ta posibel, pasobra eigenlijk ta hopi laat caba.



Bijles 1op1 cu Simon Waslander

Te cu MAVO 4

Exacte vakken

Economie

Geschiedenis.

Pa mas info yama na T. 744-8663

of Email: Simonwaslander@gmail.com

Awe abo por ta e siguiente miyonario di Aruba

Diamars anochi e resultado di Mini Mega a ser conoci unda cu e numbernan cu a sali tabata: 03-07-15-16 y Mega Ball:07 y no tabatin ganado pa e prome premio. Segundo premio a conoce un total di 4 ganado cu tabatin e 4 numbernan bon, pero sin e Mega Ball. Ticketnan ganado a wordo bendi na Candy's Lottery, Mama Trida Lottery, The Market y Mandingo's Snack.

Si tin un ganado awe nochi, e lo bira e segundo miyonario pa aña 2025! E prome miyonario di 2025 tabata na febru-

ari ultimo cu a gana e suma record di Afl. 4.350.000,- y e ticket ganado a wordo bendi na Mahuma Lottery.

Awe diabierna 4 di juli Mini Mega su jackpot a bira 875 mil florin y cu 2 florin mas, bo por gana e jackpot di 425 mil florin extra cu ta pone e suma bira un total di 1 miyon 300 mil florin!

Pa segura bo Mega Ball, bo por cumpra bo numbernan di suerte of un loco y pidi pa e combo di All Mega Ball cu lo costa 75 florin y cu Mega Plus, e ticket lo costa 105 florin. Scoge bo numbernan di



01 te cu 30 y pidi bo rebend-edo preferi pa bo combo di All Mega Ball pa asina bo tin tur e Mega Ballnan den wega!

Cumpra bo ticket trempan pa bo tambe den wega pa gana e gran total di 1 miyon 300 mil florin riba 4th of July!

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: play.lottoaruba.com pa por registra. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

Preguntanan critico di Fraccion di MEP den Parlamento pa gobierno Con bon Aruba ta prepara pa e problema di sargassum?

E area Caribense ta wordo afecta actualmente grandemente pa e gran cantidad di sargassum, yerba di lama, cu ta yega na su costa. E problema aki parece cu ta bira cada aña mas serio. Varios pais den e region a cuminsa usa sistema di monitor y mecanismo pa responde, pa asina limita e impacto negativo riba turismo, economia y salubridad. Nan ta aloca presupuesto apart pa esey y ta busca colaboracion regional.

Den e contexto aki, Fraccion di MEP a haci un serie di pregunta na gobierno di Aruba pa sa con bon prepara nos pais ta pa enfrenta e reto

creciente aki. E preguntanan ta inclui:

Cua ta e impacto actual di sargassum na Aruba; si ta necesario pa tin un plan nacional di accion of protocol pa calamidad; y con ta e colaboracion entre e departamentonan esencial manera CMO, DOW, DNM y ATA.

Tambe ta pidi atencion pa: involucra DVG pa motibo di riesgo pa salud cu sargassum den descomposicion por causa; proteha nos ecosistemanan manera rif di coral, manglanan y turtuga di lama; y pa duna sosten na sector turistico, incluyendo un plan financiero y logistico pa re-

sort y comerciante chikito. Ademas ta propone pa busca uso innovativo pa e sargassum recolecta, manera compost, biogas of material di construccion. Mirando cu Aruba tin un surplus den presupuesto awor, ta puntra con gobierno ta planifica pa destina fondo especificamente pa combati sargassum.

Mas e pregunta ta inclui si ta necesario pa pidi yudansa internacional via Caribbean Community Climate Change Centre of via Union Europeo, intensifica colaboracion regional cu Bonaire, Corsou, Republica Dominicana y Mexico, y desaroya un strategia di comunicacion pa pueblo Arubiano, pisca-

donan, esnan cu ta bay beach, y esnan cu ta biba den e area. Fraccion di MEP a pidi gobierno pa contesta e preguntanan aki den dos siman (2), pa Aruba por evalua den forma transparente con bon prepara nos ta pa e menasa ecologico y economico aki.

“Ora bo cana na nos costa norte, bo ta mira cu e no ta un problema di mañan — sargassum ya ta pone presion riba nos costa, nos naturalesa y nos economia awor caba. Nos mester tuma accion awor pa proteha nos sector turistico, nos salud y nos ecosistema vulnerabel. Aruba no por laga mas tempo pasa sin haci nada.”, segun lider di fraccion Wever-Croes.



Presidentenan di Parlamento di islanan CAS ta discuti continuacion di IPKO

Dialuna, dia 30 di juni, e Presidentenan di Parlamento di Sint Maarten, Corsou y Aruba a tene un reunion Tripartite na Corsou.

E reunion aki, cu e Presidente di Parlamento di Sint Maarten, señora Sarah A. Wescot-Williams a inicia, a sirbi como plataforma pa discuti diferente topico importante entre señor Fergino Brownbill, Presidente di Parlamento di Corsou y señor Alfred Marlon Sneek, Presidente di Parlamento di Aruba.

Durante e reunion, e Presidentenan a discuti continuacion di e reunionnan Tripartiet y di IPKO como tambe e regulacion di disputa (geschillenregeling) cu ta den concepto. Nan a explora manera pa intensifica cooperacion regional na nivel parlamentario y pa mehora colaboracion den comite parlamentario entre e tres Parlamentonan.

E reunion a sigui cu un almuerzo ofreci door di President Señora Wescot-Williams.



Mayornan cu ta opone educacion sexual na scol hopi biaha no ta papia di esaki na cas



(AP) – Batayanan publico riba kico scolnan por siña tocante sex, identidad y relacion, hopi biaha rond di “derecho di mayor,” a bira mas intenso den añanan recién.

Mayornan fuertemente contra di educacion sexual amplio na scolnan tabata esnan cu menos chens di papia tocante conceptonan cu ta promove salud manera consentimiento, proteccion, identidad di genero y relacionnan saludabel.

Educacion sexual integral ta retrasa actividad sexual, ta aumenta uso di anticonceptivo y ta reduci embaraso hubenil y e cantidad di infeccion transmiti sexualmente. E tin un historia compleho, pero pa hopi tempo a ricibi sosten di ambos partido.

Den añanan recién, sinembargo, debatenan bieu tocante educacion sexual y financiamiento a tuma un rumbo mas skerpi.

Na juni 2025, e administracion di Trump a ordena California pa kita materialnan di identidad di genero for di lesnan di educacion sexual of core riesgo di perde mas cu 12 miyon dolar di financiamiento federal.

E movimiento di derecho di mayor

Na 2023, Florida a expande su Derecho di Mayor den Enseñansa, tambe conoci como e ley “No Bisa Gay”, pa extende limitenan ariba discusion di orientacion sexual y identidad di genero na tur klas ‘K-12’. E ley ta bisa cu sexo por ser defini solamente como estrictamente binario, ta limita discusion di genero y sexualidad, ta impone reglanan riba uso

di pronomber y ta aumenta autoridad di directiva di scol riba curiculo.

Otro estadonan, incluyendo Texas, Oklahoma, Louisiana y Kentucky, a impone restriccionnan similar.

Directivanan di scol local den estadonan manera Florida, Idaho, Tennessee y Utah a kita bukinan di les, corta cursonan di salud y prohibi bukinan cu temanan LGBTQ+. Directivanan di scol conservativo y local ta remodelando educacion sexual nacionalmente aunke e gran mayoria di Mericanonan ta opone esfuersonan pa restringi buki na scolnan publico y ta confia den e seleccion di buki di scolnan publico.

Ken ta liderando e charla?

Mas o menos 10% di e mayornan cu a participa den encuesta a bisa cu educacion sexual mester sucede solamente na cas. E mayornan ey tambe tabata mas probabel pa bisa cu nan “casi nunca” of “nunca” a papia tocante sexo, sexualidad y romance cu nan yiunan.

Den contraste, mayornan cu a sostene educacion sexual amplio y basa na scol tabata significativamente mas dispuesto pa papia tocante temanan incluyendo consentimiento, proteccion, identidad y relacionnan saludabel na cas.

E encuesta tambe a haya cu mayornan cu tabata opone educacion sexual integral tabata mas probable di kere mal informacion cu ta circula, manera e idea cu papia tocante sex ta encurasha actividad sexual trempa y cu condon no ta efectivo.

E resultadonan preliminar

pa tin combersacionnan habri y informa na cas.

Na nivel federal, e administracion di Trump a corta financiamiento pa educacion sexual integral. E administracion tambe a amplia financiamiento pa programanan di abstencion so, a pesar di evidencia di nan ineficacia.

Riesgonan ta subi sin educacion

Un rapport di 2022 di Common Sense Media a haya cu casi mitar di hobennan ta informa di a siña tocante sex online, cu pornografia entre e fuentenan principal.

Mississippi, Alabama y Arkansas tin algun di e tasanan di embaraso hubenil y infeccion transmiti sexualmente

mas halto. Sinembargo, e estadonan aki tambe ta entre esnan cu e politicanan di educacion sexual mas restrictivo y e cualificacion di educacion sexual mas malo.

E comunidadnan aki tambe ta enfrenta pobreza mas halto, acceso limita na cuido di salud y un logro educacional mas abou. E combinacion ta profundisa e desigualdadnan di salud.

Un rapport di CDC den 2023 a haya cu studiantenan cu ta ricibi educacion sexual inclusivo ta sinti nan mes mas conecta cu scol y ta experiencia tasanan mas abou di depresion y intimidacion. E beneficianan aki ta specialmente crucial pa hobennan LGBTQ+.



MINI MEGA

MEGA PLUS

Cumpra bo Mini Mega y cu Afl. 2,- mas, bo por gana e jackpot di

1.300.000,-

Con?



Afl. 5

Afl. 875.000,-

+




Extra!

Afl. 425.000,-

www.lottoaruba.com

Pa mas informacion yama 525-7555 of bishita nos website lottoaruba.com



Compra di tanki nobo lo duna negoshinan Hulandes un impulso di miyones di euro

(NLTimes) – E compra di 46 tanki nobo Leopard 2A8 pa gobierno Hulandes ta proyecta pa trece centenares di miyones di euro den entrada pa companianan Hulandes, segun e secretario di estado di defensa misionario Gijs Tuinman. E acuerdo ta rekeri alrededor di 100 componente pa e tankinan ser fabrica na Hulanda, segun Ministerio di Defensa.

Tuinman a bisa cu e areglo ta demostra e beneficiacion di involucra proveedonan domestico. “Esaki ta muestra cu involucra e industria Hulandes ta paga,” el a bisa. “Companianan local Hulandes lo produci shen piesa.” E tankinan ta ser adkiri for di KNDS, e fabricante Franco-Aleman di defensa, pero e gabinete a negocia cu e industria Hulandes lo hunga un rol directo pa “acelera y fortifica” e produccion.

E compania di famia Van Halteren Technologies, cu sede na Bunschoten, lo tuma un rol central dor di produci e sistemanan di motor y

transmision pisa pa e tankinan. Tuinman a confirma cu e colaboracion di e compania cu KNDS lo permiti e tempo di entrega pa e sub-ensamblahenan critico baha di mas cu un aña pa algun luna. “Van Halteren Technologies lo aumenta pa logra esaki,” el a bisa. “E no ta solamente ta accelera y reforsa capacidad di produccion pa e productor Aleman y pa e industria di defensa na Hulanda, pero tambe pa clientenan den tercer paisnan.”

Mientras cu e compra ta yuda fortalece fabricacion Hulandes, e ta refleha tambe un necesidad urgente pa reforsa e militarnan debi na menasanan Ruso aumenta. Minister di Defensa Misionario Ruben Brekelmans anteriormente a bisa cu no tabatin otro opcion cu cumpra tanki den exterior pasobra esaki tabata e unico manera pa adkiri nan liher.

E tankinan nobo lo ekipa un batayon di tanki Hulandes recién estableci. E presupuesto total pa e adkision ta varia entre 1 biyon y 2.5 biyon

euro, cu funcionarionan di Defensa ta calcula cu alrededor di 600 miyon euro lo bay finalmente pa companianan Hulandes.

Van Halteren Technologies, estableci na 1969 pa Aart van Halteren, a crece bira un proveedor grandi pa e militarnan Hulandes mientras cu e ta keda pa gran parti for di bista publico. E compania ta duna trabou na mas cu 1.000 hende na sitionan na Bunschoten, Hattemerbroek y Boxtel. Director Izaak Veerman a bisa cu e perfil abou di e compania ta refleha un tempo cu defensa tabata “menos socialmente aceptabel.” “Nos no necesariamente mester sali dilanti bisando, ‘Mira tur loke nos ta haci,’” Veerman a bisa den su prome entrevista.

Ademas di e Leopard, Van Halteren ta construi y mantene otro sistemanan di arma grandi. E compania ta traha e toren di e Pantserhouwitsers 2000NL, un howitzer cu ta propulsa su mes di fabricacion Aleman cu por tira proyectil di 155mm te na 50



kilometer for di e areanan patras. Dies di e howitzernan aki a ser duna recientemente dor di Hulanda na Ucrania.

Veerman a bisa cu e ta sigui informenan tocante tankinan Leopard desplega na Ucrania solamente a traves di medianan di comunicacion. “Mi a mira ehercicionan cu e Leopard. Ora ta trata di maneha aden, e ta haci un impacto di berdad,” el a bisa. “E motor ey ta probablemente esun mas potente disponibel riba tera.”

A pesar di nan reputacion, Leopardo tin limitacion. Un tankero cu yama Mike, pa-piando durante un ehercicio

di entrenamento na Lituania, a describi nan como confiabel pero exigente. “E ta un arma cu bentaha y tambe limitacion,” Mike a bisa De Telegraaf. “Tin biaha bo ta pasa simannan na man-tencion. Si bo tuma birada mucho skerpi, e pistanan ta sali. Pero si bo ta un tiki cauteloso, e no ta kibra facilmente. Ora tur cos ta funciona, esaki ta e mihor trabou cu tin.”

Fuera di vehiculonan di pista, Van Halteren tambe ta spera di participa den construccion di cuater submarino nobo—e Orca, Barracuda, Tiger Shark, y Zwaardvis—ordena pa Marina Hulandes aña pasa.

Despues di a ser forsa

Personanan sin cas a ricibi ‘gift voucher’ despues di relocacion causa pa cumbre di NATO

(NLTimes) – Alrededor di 40 persona sin cas cu ta keda den mondi rond di e World Forum na Den Haag y mester a sali pa motibo di e cumbre di NATO siman pasa, a ricibi un ‘gift voucher’ di Salvation Army pa reemplasa articulonnan perdi.

E municipio a yam’e un “gesto noble.” Pero Straat Consulat, cu ta representa interes di personanan desampara na Den Haag, a yama e situacion amargo y incomodo, Omroep West ta informa.

Un ordenansa di emergencia tabata na vigor durante e cumbre di NATO, loke taifica cu personanan cu tabata hospeda den Scheveningse Bosjes y Haagse Bos rond di e World Forum mester a sali. Nan a ser acomoda den un edificio di scol bashi. Otro 35 famia sin cas cu tabata hospeda den un hotel tambe mester a muda pa haci caminda pa otro huespednan.

Nan a ser aloha temporalmente den otro hotel.

E mondi a ser limpia pa e cumbre, pues cualkier articulo of tent cu a keda atras por a bay perdi. Salvation Army, cu a provee refugio pa e hendenan sin cas durante e cumbre, a parti ‘gift voucher’ for di un tienda di deporte. Un “gesto noble,” segun e municipio.

Pero segun Jan de Vries di e Straat Consulta, e contraste entre e cumbre di NATO sumamente caro y e tratamiento di hende sin cas “ta expone dolorosamente cu e acercamento na personanan sin hogar ta completamente kibra.” E ‘gift voucher’ ta ilustra esaki, De Vries a bisa e emisora. “Aparentemente e ta e unico cos cu ta posibel. Pero si tabatin mes tanto recurso disponibel pa atende cu hende sin cas manera pa e cumbre di NATO, nos lo tabata hopi mas leu den direccion di un solucion sostenibel.”

E municipio di Den Haag a bisa Omroep West cu e ciudad a bin ta ofrece ayudo extra despues cu mester a muda hende pa e cumbre di NATO.

“No ta tur hende di e mondi ta drumi eynan atrobe,” un vocero a bisa. E no por a bisa cuanto hende a ser yuda. “Ainda ta mucho trempa pa

esey. Actualmente nos ta trahando riba un inventario. En todo caso, a tene discusion pa guia hende pa cuido, refugio, of pais di origen.”



Entrega postal riba islanan BES ta confronta problemanan structural y volumen ta bahando

(Bonaire.nu) – Entrega postal na Hulanda Caribense no ta cumpli structuralmente cu e exigencianan di calidad. Esaki ta bisto for di un rapport recien tocante implementacion di e concesion postal door di Flamingo Express Dutch Caribbean

(FXDC), cu ta encarga cu servicio postal na Boneiro, Saba y Sint Eustatius for di 2014.

Desde cu e concesion a ser otorga, e volumen di post a baha cu mas o menos un tercera parti. Ta anticipa cu e tendencia aki lo sigui como

resultado di aumento di digitalisacion. Na mes momento, e mercado di pakete ta creciendo debi na e aumento di compranan online. Sinembargo, problemanan structural ta keda, manera e falta di nomber di caya y codigo postal, escala chikito, y conexcion aereo iregular entre e islanan. Como resultado, e tempo di entrega maximo ta ser surpasa regularmente.



E investigadonan di e Oficina Economico di Amsterdam ta recomenda pa parti e concesion pa isla y permiti e uso di buzón di post di comunidad. Tambe nan ta boga pa introduccion di codigonan postal – specialmente na Boneiro – y un acercamento nobo di calidad, den cua ta haci dis-

tincion entre post local, interinsular y internacional. Ademá, un futuro contribucion di operacion di gobierno por ta necesario, liga na exigencia di rendimiento.

Supervision mas activo
Finalmente ta recomenda un

rol mas activo di ciudadanonan, companianan y gobierno local den e supervision di e dunamento di servicio. Por ehempel, Dialogo Central di Boneiro anualmente por cuestiona e doño di concesion y duna conseho riba e calidad cu ta brinda.

Sospechoso ainda no a revela motibo pa hincamento masal den centro di Amsterdam



(NLTimes) – Roman D. di 30 aña di edad, sospecha di a hinca cinco victima rond di Dam Square na Amsterdam, ainda no a bisa nada di su motibo. Servicio di ministerio publico a revela esaki den e prome audiencia publico contra di e sospechoso den corte na Amsterdam diaranson. D. no a atende e audiencia.

Ministerio Publico (OM) ta sospecha D. di cinco intento di asesinato of homicidio imboluntario cu un motibo terrorista. Cinco persona a resulta herida den e hincamento rond di Sint Nicolaasstraat diahuebs atardi, 27 di maart.

E sospechoso ta bou di examen di un psicologo y un psiquiatra di Netherlands Institute for Forensic Psychiatry and Psychology (NIFP). E homber ta bisa cu e ta cooperando cu e evaluacion.

Na e audiencia, e fiscal a papia di “un incidente violento den curason di Amsterdam.” E sospechoso ta di e region di Donetsk den oost di Ucrania y a sirbi pa hopi aña den

e ehercito di Ucrania, pa cua el a ser otorga tambe cu un medaya. El a haya permiso mas trempa e aña aki pa bishita su mama na Republica Checo.

E autoridadnan investigativo a mapa su movecion. El a bandona e parti sur di Ucrania dia 4 di maart y a biaha via Polonia pa Alemania, caminda el a yega na un centro di registracion pa solicitante di asilo na Berlin dia 6 di maart. El a keda na un centro di recepcion pa refugiado Ucrainiano te 26 di maart. Despues el a biaha pa Amsterdam cu trein. Henter su estadia den e capital Hulandes a ser mapa, usando imagennan di camara y datonan di telefon.

Despues di a yega na e hotel riba e Damrak, el a bay na varios tienda y na Wertheimpark. El a purba bishita un tienda di cuchiu, pero a resulta cu esaki tabata cera. E siguiente mainta, el a compra dos cuchiu eyan pa 167 euro. E gerente di e tienda a yama polis despues cu el a reconoce e sospechoso den imagennan cu tabata circula di su detencion.

BACK TO SCHOOL
CACHI CACHI
1 GANADOR GARANTISA
Afi 1.000,- TUR DIA!

CATCHI BIG 4 OFF ZODIAC LUCKY 3 MULTI X KORSOU

CON PA HUNGA
CU CADA COMPRA DI 1 FLORIN PA SORTEO DI MERDIA OF ANOCHI BO TA RICIBI 1 NUMBER GRATIS!
SORTEO DI CACHI CACHI TA TUMA LUGAR DEN SORTEO DI ANOCHI Y DIADOMINGO 2:00PM

Afi 1 • 1 NUMBER GRATIS!
Afi 2 • 2 NUMBER GRATIS!
Afi 3 • 3 NUMBER GRATIS!
Afi 4 • 4 NUMBER GRATIS!

MAS BO INVERTI, MAS NUMBER GRATIS BO TA RICIBI!

f X y i
www.lottoaruba.com

lotto
Cambiando bida...

CAMPAÑA TA VALIDO DESDE 1 DI JULI PA 31 DI JULI 2025

Chile ta acelera permiso pa mineria y otro proyecto di inversion

(Reuters) – Congreso di Chile a aproba legislacion tan spera pa acelera e proceso di permiso pa proyectonan di inversion den e pais diamars.

E ley tabata un demanda clave di e industria di mineria di e pais y tambe di companianan di energia renoba y otronan cu a bisa cu e proceso largo di permiso tabata stroba inversion. Chile ta e productor di

koper mas grandi na mundo y un di e productornan di litio mas grandi.

E legislacion a pasa cu 93 voto na fabor, 27 contra y 17 abstencion, y awor ta warda e firma di e mandatario pa ser prolonga.

“Esaki lo permiti nos reduci e temponan di permiso substancialmente, reduciendo e temponan di procesamiento

entre 30% y 70%, y nos lo haci’e sin reduci e normanan regulatorio,” minister di economia Nicolas Grau a bisa periodistanan despues cu e ley a ser aproba.

Un reforma di e sistema di evaluacion di medio ambiente, e rekisito principal pa proyectonan di inversion, tambe ta pendiente pero e proceso a confronta contra-tiempo y retraso.



Lula a bishita ex presidente di Argentina Cristina Kirchner den aresto domiciliario

(Reuters) – Despues di a participa den e combersacionnan comercial di Mercosur na Buenos Aires diahuebs, presidente Brasileño, Luiz Inácio Lula da Silva a bishita ex-presidente Argentino, Cristina Fernandez de Kirchner na su apartamento na Buenos Aires, unda e ta sintando un castigo di seis aña pa corrupcion.



Kirchner a yama e bishita di Lula “un acto politico di solidaridad,” den un post riba X despues di e reunion, y a bisa

cu e lider Brasileño tambe tabata victima di persecucion politico. Na 2017, Lula a enfrenta un condenacion di corrupcion pa cua el a sinta 19

luna di prizon.

Lula, un lider isquierdista, no a topa den priva cu e presidente libertario di derecha Ar-

gentino, Javier Milei, kende a yam’e un “comunista” y “corupto”. Durante e cumbre comercial y e prome bishita di Lula na Argentina desde cu Milei a asumi su cargo, Brasil a asumi e presidencia rotativo di e bloke Mercosur.

Kirchner tabata presidente di Argentina di 2007 pa 2015 y luna pasa a cuminsa sinta un castigo pa participa den un skema di fraude cu a dirigi proyectonan di trabou di caminda publico na un aliado yega mientras e tabata presidente. E sentencia, sosteni na juni pa Corte Supremo di

e pais, tambe ta prohibi Fernandez di ocupa e funcion.

Den dianan recién, partidarioman di Kirchner a reuni pafor di su apartamento, sperando di por a mira e figura prominente di oposicion ora e aparece riba su balcon.

Despues cu Corte Supremo a sostene e sentencia di Kirchner, Lula a bisa riba e website di red social X, cu el a yama Kirchner pa expresa sosten y a papia cune “tocante e importancia di keda fuerte den e momento dificil aki.”

Peruanonan rabia despues cu presidente a redobla su salario

(Reuters) – Presidente Peruano, Dina Boluarte lo redobla su salario na e ekivalente di alrededor di 10 mil dollar pa luna, rabianando hopi Peruano cu a bisa cu lo por a gasta e placa miho pa alivia pobreza.



Minister di Economia a anuncia diaranson atardi cu e salario di Boluarte – kende su cualificacion di aprobacion ta entre esun mas abao di cualkier lider mundialmente – a ser aumenta na 35.568 soles (\$10.067), mas o menos 30 biaha mas halto cu e salario minimo di Peru.

E salario di e presidente anteriormente tabata fiha na 15.600 soles (\$4.400), un nivel introduci na 2006 ora cu ex presidente Alan Garcia a baha esaki di 42.000 soles.

E minister a bisa cu e aumento di salario a ser aproba caba pa e gabinete y mester drenta na vigor mesora. E gobierno a hustifica e aumento bisando cu compara cu 12 contraparte den henter Latino America, su pago anterior a keda na di

11 luga, riba solamente esun di e presidente Boliviano.

Un evaluacion di Rio Times aña pasa a mostra cu e salarionan di presidentenan Latino Americano ta varia entre \$3.000 y \$22.000, cu un promedio di alrededor di \$9.600.

Sinembargo, e Peruanonan no ta impresionan.

“E ta un chiste,” e pensionado Rolando Fonseca a bisa pafor

di un stand di corant den e capital Lima. “Tin pobreza extremo tur caminda na Peru y e mandatario mester duna un chempel.”

E economia di Peru a recupera durante e ultimo dos aña, despues di un recesion provoca pa protestanan anti-gobierno na comienso di periodo di Boluarte. Sinembargo, e tasanen di pobreza, cu a empeora durante e pandemia di COVID-19, ta keda

cerca di 30%. Boluarte ta cla pa caba su periodo na juli 2026, despues di eleccion presidencial programa pa april proximo. “E ta cerca di bay y no tin mester pa e aumenta su salario, e mester ta yudando hospitalnan y muchanan malo,” Carmen Juarez, un ama di cas di Lima a bisa.

Boluarte a yega na poder na fin di 2022 despues cu su predecesor Pedro Castillo a

ser retira y aresta despues di a purba di disolve congreso. Su cualificacion di aprobacion ta alrededor di 2% pa 4%, segun encuestanan recién di Datum y Ipsos Peru.

El a enfrenta acusacion di corrupcion, incluyendo acusacion di enriquecimiento ilicito cu ta involvi holoshinan Rolex. Tambe el a ser investiga riba su rol den supervisa e reaccion di polis y militar riba e protestanan anti-gobierno, den cua mas cu 50 hende a muri.

Boluarte, di 63 aña, ta nenga cu a haci algo fout.

Esfuersonan ripiti pa destitui Boluarte a ser stroba pa partidonan politico conservativo cu ta sosten’e. Peru tabatin seis presidente desde 2018, y tres ta actualmente ta cera.

Legislador di oposicion Jaime Quito a bisa cu e tin planea pa promove un iniciativa den Congreso pa anula e aumento di salario. “Esaki ta un burla pa un pais cu ta confrontando problemanan asina serio”, el a bisa.

Corte Interamericano ta pidi pa accion di clima unifica segun cu e bataya legal ta aumenta

(Reuters) – Estadonan miembro mester coopera pa atende cu cambio di clima y no tuma accion cu ta pone proteccion ambiental atras, e corte Interamericano di Derecho Humano (IACHR) a bisa den un opinion di conseho no obligatorio emiti diahuebs.

E corte tin hurisdiccion riba 20 pais Latino Americano y Caribense y e opinion di conseho, pidi pa Colombia y Chile, a bisa cu e paisnan tambe mester regula y vigila actividad corporativo, specialmente esnan cu ta genera gasnan di efecto invernadero.

E opinion tambe a bisa cu companianan mester adopta medidanan “efectivo” pa combati cambio di clima y estadonan mester descurasha “greenwashing” y influencia corporativo indebido den politica y regulacion relaciona cu cambio di clima.

Estadonan tambe mester pasa legislacion pa companianan actua cu “debido diligencia” ora ta trata di derecho humano y cambio di clima den nan cadena di valor.”

Estadonan mester fiha tambe metanan obligatorio di mitigacion di emision di GHG cu “ta mas ambicioso posi-



bel” cu cuadronan di tempo concreto. Cooperacion mester bay mas leu cu daño transfronteriso, e opinion a bisa, y mester bay mas leu cu mitigacion y adaptacion y cubri tur medida necesario pa responde ampliamente na e emergencia di clima.

Maria Antonia Tigre, director di litigio mundial di cambio di clima na e Sabin Center na Columbia Law School, a bisa cu hopi pais ta depende di e opinion aki como precedente, aunke nan no ta obligatorio.

“E (IACHR) ta un tiki di

un caso special pasobra e ta sumamente influyente den cortenan domestico,” Tigre a bisa, agregando cu cortenan supremo regional hopi biaha ta cita opinion di IACHR.

“E otro aspecto ta cu si tin un caso contencioso riba e topico, probablemente lo sigui loke ta ser bisa den e opinion di conseho,” el a bisa, citando un IACHR di 2024 como ehempel. Na 2024, IACHR a ordena Peru pa paga daño y perjuicio na un ciudad di mineria, un decision cu a sigui e interpretacion di 2017 di un opinion di conseho di 2017 cu e

corte a emiti cu a declara cu un ambiente saludabel tabata un derecho humano.

E decision ta construi riba un ola mundial di pleitamento di clima segun cu paisnan, organisacionnan y individuanan ta acudi mas y mas na corte pa accion di clima.

Aña pasa, corte Europeo di Derecho Humano a bisa cu inaccion di clima ta viola derecho humano y un corte di Sur Corea a bisa cu e ley di cambio di clima di e pais no ta proteha futuro generacionnan di forma efectivo.

Vanuatu tambe a urgi e corte mas halto di Nacion Uni pa reconoce e daño causa pa cambio di clima den su sentencia riba e obligacion legal di paisnan pa bringa esaki y atende e consecuencianan di contribui na keintamento global. E sentencia ta ser spera e aña aki.

E opinion di IACHR a señala cu pleitamento di clima ta un “campo emergente” pero tambe un herment cada bes mas esencial pa tene estadonan y companianan responsabel pa cambio di clima y obligacion.

Nacionnan Uni ta nombra diplomatico Mexicano como hefe nobo di oficina di Haiti

(Reuters) - Secretario General di Nacionnan Uni, Antonio Guterres a nombra e diplomatico Mexicano, Carlos Ruiz como representante special di organizacion na Haiti y hefe di oficina di Nacionnan Uni den e nacion Caribense, segun e oficina, conoci como BINUH, a bisa diahuebs.

Ruiz tabata traha como representante special pa Colombia desde 2019, BINUH a bisa, agregando cu el a vigila eheucion di e acuerdo di paz di e pais y a traha riba e combersacion di paz recien entre gobierno y gruponan guerrillero arma.

Oficina Integral di Nacionnan Uni na Haiti ta conoci como BINUH, e sigla Frances pa e nomber completo di e mision.



Ruiz ta cla pa sucede Maria Isabel Salvador di Ecuador como hefe di e oficina di Nacionnan Uni cu ta menguando, mientras Haiti ta enfrendando un conflicto cu ta empeorando alimenta pa gangnan poderoso y fuertemente arma cu a core cu casi 1.3 milyon hende for di nan cas y ta expande pa areanan

nobo, a pesar di esfuersonan di polis nacional.

Un forsa boluntario respalda pa Nacionnan Uni tambe a desplega parcialmente na Haiti pa impulsa polis local pero a lucha pa haci progreso, stroba pa scarsedad di trupa, fondo y ekipo.

BINUH su trabou ta inclui conseha gobierno y tambe sigui y monitorea abuso di derecho humano y tendencia di seguridad, incluyendo e evolucion di control territorial di gang, asesinato, secuestro y desplazamento civil.

Den un carta di 1 di juli na e conseho di Seguridad di Nacionnan Uni, Guterres a bisa cu e tin planea pa reevalua e presupuesto di e oficina pa 2026 en bista di un cantidad di persona mas chikito despues di evacuacion ripiti debi na e “situacion di seguridad deplorable” na Haiti.

“Estableci na 2019, BINUH no a ser diseña, ni tampoco e tin activonan adecua di evacuacion y seguridad, pa opera den un ambiente asina hostil”, Guterres a bisa den e carta. “Consecuentemente, e Sec-

retariado y BINUH a haci un revision di e concepto di mision pa logra un mision mas enfoca, mas chikito, pero cu impacto.”

Nacionnan Uni for di november ultimo tabatin un capacidad maximo autorisa di 133 personal internacional na Port-au-Prince, e carta a agrega, incluyendo 17 di BINUH - un limite basa riba su capacidad di extraccion actual di un solo helicopter. Hopi personal di Nacionnan Uni ta opera for di exterior.

Diaranson, Secretario-General Assistent, Miroslav Jenca a bisa un reunion di Conseho di Seguridad cu e gasto di recursonan adicional necesario pa impulsa e capacidad di seguridad y evacuacion di BINUH na 2026 lo ser compensa pa un marca local mas chikito.

Wind Creek Aruba ta ricibi Premio di Impacto di AHATA pa bienestar di empleadonan



Wind Creek Aruba a ricibi "Premio di Impacto" di AHATA pa e aña 2025 pa bienestar di su empleadonan, un reconocimiento pa su compromiso sobresaliente laboral basa riba cuido, conexion y proposito. E premio, presenta pa Aruba Hotel and Tourism Association, ta honra e negoshinan cu standardnan sobresaliente den industria pa pone prioridad riba bienestar personal y profesional di nan empleadonan.

E logro aki ta refleha e compromiso continuo di Wind Creek Aruba cu un team contento y ansioso pa crea un miho experiencia pa e huespednan. Asina mes cu e resort ta ofrece hopi programa pa empleadonan incluyendo educacion, sosten emocional, guia y reconocimiento, e iniciativa Helping Hearts & Hands (HH&H) a sirbi como base principal di nan aplicacion pa e premio aki.

"Helping Hearts & Hands no ta solamente un programa, e ta nos identidad," asina Paul Gielen, Gerente General di Wind Creek Aruba, a bisa. "Nos ta kere firmemente cu ora personanan ta sinti cu nan ta wordo admira y apoya, nan ta florece. E premio aki ta un celebracion di nos equipo y e cultura cu nos a construi hunto. E impacto real ta cu nos a mira cu nos mesun wowonan: esta yudando otro, sin duda."

hunto. E impacto real ta cu nos a mira cu nos mesun wowonan: esta yudando otro, sin duda."

Helping Hearts & Hands ta un fondo confidencial, mancha pa empleadonan mes, cu ta duna ayudo financiero durante momentonan di emergencia, manera biahe medico, situacion familiar, of dano na cas. E fondo ta sosteni pa donacion di compania y empleadonan, y e ayudo ta considera como donacion y no como prestamo.

Aparte di HH&H, e otro iniciativa di bienestar di empleadonan ta inclui:

Programa di educacion interno y liderazgo, incluyendo cursonan pa diploma GED y curso di liderazgo personalisa. Sosten di HR dedica pa cada lider di departamento pa mantene maneho constante y alinea cu e balornan di compania. Reclutamento basa riba proposito pa garantiza un bon adaptacion cultural na tur nivel. Un programa cu ta ofrece cuido di salud mental y depresion pa empleadonan y



nan famia. Plataformanan di reconocimiento manera "Wind Dollars" y "Best of the Best", pa honra empleadonan cu ta personifica e mision y valor di e compania.

E premionan di Impacto di AHATA ta honra companianan cu ta haci un aporte significativo na comunidad y lugar di trabou. E victoria di Wind Creek Aruba ta pone enfasis riba su compromiso pa inclui compasion y proposito na tur nivel di experiencia di empleadonan.

Haci uzo di SETAR su Teleshop Online pa un servicio rapido y conviniente

SETAR su Teleshop Online ta brinda nos clientenan e facilidad pa por haci diferente servicio di SETAR online via e email

store@setar.aw y cu e opcion di pick-up rapido na Teleshop Irausquin Plein. Pa medio di e email store@

setar.aw, clientenan por manda nan peticion pa e siguiente servicionan: Upgrade y cambio di servicio existente, sea di Mobil, Internet of TV Add-ons pa bo servicio(nan) Renobacion di contract Peticion pa un servicio nobo (Re)Activacion di SIM card Pick-up rapido di producto na Teleshop Irausquin Plein

Esaki di un manera facil y sigur, for di e comodidad di bo cas y na e momento cu bo ta desea. Asina aki nos ta haci e bida di nos clientenan mas facil sin tin nodo di bishita un Teleshop. Teleshop Online ta disponibel di dialuna pa diabierna di 9.00 am pa 5.00 pm.

E servicio aki ta refleha SETAR su compromiso cu innovacion y servicio na nos clientenan, simplificando e manera cu nos clientenan ta interactua cu nos y treciendo e experiencia di un Teleshop mas cerca.

**UNDA CU TA, KI ORA CU TA
CU SETAR ONLINE**

LAGA NOS ASISTI BO CU:

- CAMBIO DI SERVICIO/UPGRADES
- ADD-ONS DI SERVICIO
- RENOBACION DI CONTRACT
- CONTRACT NOBO
- (RE)ACTIVACION DI SIM
- PICK-UP LIHER NA TEleshop IRAUSQUIN PLEIN

**EMAIL NOS NA:
STORE@SETAR.AW**

Nota: Please permiti nos te cu 72 ora pa un contesta.

SETAR

Australia ta cancela visa di e rapper Ye pa motibo di cantica antisemitico

(AP) — Ye, e rapper Mericano conoci anteriormente como Kanye West, recientemente a haya su visa di Australia kita despues cu el a lansa su single "Heil Hitler," un minister di gobierno a bisa diaranson.

Minister di Asunto Interno Tony Burke a revela cu Ye a bin ta biaha pa añanan pa Australia, caminda su casa di tres aña, Bianca Censori, a nace. Su famia ta biba na Melbourne.

urke a bisa cu "Heil Hitler," lansa na mei, a promove Nazismo. E cancion a ser critica como un homenahe antisemita na e dictador Aleman, Adolf Hitler.

"E ta biniendo Australia pa hopi tempo caba. E tin famia aki. Y el a haci hopi comentario ofensivo cu mi oficialnan a wak atrobe unaves cu

el a lansa e cantica 'Heil Hitler' y e no tin un visa valido mas na Australia," Burke a bisa Australian Broadcasting Corp. "Nos tin suficiente problema den e pais aki caba sin importa fanatismo deliberadamente," Burke a agrega. E ley di Migracion di Australia ta pone rekisitonan di seguridad y caracter pa no-ciudadano drenta e pais.

E ciudadnan mas grandi di Australia, Sydney y Melbourne, a mira un cantidad di atakenan antisemita desde cu e guerra entre Israel y Hamas a cuminsa dia 7 di october 2023.



Michael Madsen, strea di ‘Reservoir Dogs’ y ‘Kill Bill’, ta fayece cu 67 aña



(AP) — Michael Madsen, e actor mas conoci pa su personahenan friu y menasante, cu wowonan di hero, hopi biaha sadio den e pelculanan di Quentin Tarantino incluyendo “Reservoir Dogs” y “Kill Bill: Vol. 2,” a fayece.

Madsen a ser haya sin reaccion den su cas na Malibu, California, diahuebs mainta y a ser pronuncia morto, e comandante di Vigilancia di e Departamento di Sheriff di Los Angeles County, Christopher Jauregui, a bisa. Ta kere cu el a muri di causa natural y autoridad no ta sospecha cu tabatin ningun foul play involvi. E manager di Madsen, Ron Smith, a bisa cu paro cardiaco tabata e causa aparente. E tabatin 67 aña.

Madsen su carera a abarca mas cu 300 credito cu ta bay back te na cuminsamento di añanan 1980, hopi den pelculanan di presupuesto abou y independiente. Hopi biaha e tabata hunga choller di nivel abou, gangster y polis sombrio den rolnan chikito. Tarantino lo usa e identidad aki, pero hacie un personahe principal.

Su tortura di un oficial policial captura den e debut como director di Tarantino na 1992 “Reservoir Dogs,” den cua e atracado di banco di trahe preto di Madsen Vic “Mr. Blonde” Vega ta corta horea di e homber mientras e ta baila riba “Stuck in the Middle with You” di Stealers Wheel tabata un momento definitivo di su carera- tanto un director.

E lo a bira un regular di Tarantino. E tabatin un rol chikito como e habitante di desierto cu sombre di cowboy Budd, un miembro di e Deadly Viper Assassination Squad, den “Kill Bill: Vol. 1” di 2003, despues un rol principal e siguiente aña den e secuela, den cua e ta bringa cu

e protagonista di Uma Thurman The Bride y ta der’e na bida.

Madsen tambe a aparece den “The Hateful Eight” y “Once Upon a Time... In Hollywood” di Tarantino. E tabata un escogencia alterno pa hunga e rol di hit man cu a rebiba e carera di John Travolta den “Pulp Fiction” di 1994. E personahe, Vincent Vega, ta e ruman di e atracado di “Reservoir Dogs” di Madsen den e universo cinematografico di Tarantino.

Madsen a nace na Chicago di un famia di tres yiu. Su ruman muher ta e actor nominado pa Oscar di “Sideways” Virginia Madsen.

El a presenta riba escenario cu Chicago su Steppenwolf Theatre Company hunto cu actornan incluyendo John Malkovich.

Durante un ceremonia di impresion di man na TCL Chinese Theatre na november 2020, Michael Madsen a refleha riba su prome bishita na Hollywood na cuminsamento di añanan 1980.

“Mi a sali y mi a cana rond y mi a wak y mi a puntra mi mes si tabatin un dia un manera cu esey lo a bay ta un parti di mi. Y mi no tabata sa pasobra mi no tabata sa kico mi lo a haci na e momento ey cu mi mes,” el a bisa. “Mi por tabata un brick. Mi por tabata un arkitecto. Mi por tabata un homber di sushi. Mi no por tabata nada. Pero mi tabatin suerte. Mi tabatin suerte como actor.”

Su prome rol di pelicula di nificacion tabata den e thriller di hacker di 1983 “WarGames” cu Matthew Broderick. E siguiente aña el a hunga e hungador di baseball profesional Bump Bayley hunto cu Robert Redford den “The Natural.”

El a pasa gran parti di e resto

di añanan 1980 haciendo rolnan di invitado unico den dramanan di television incluyendo “Miami Vice” y “Quantum Leap.”

1991 lo a trece un impulso den su carera cu rolnan den “The Doors,” caminda el a hunga un amigo di Jim Morrison di Val Kilmer, y “Thelma and Louise” caminda el a hunga e pareha di Louise di Susan Sarandon.

Despues lo bin “Reservoir Dogs.”

Na 1995, el a hunga un mercenario di operacion preto den e thriller di ciencia-ficcion “Species” y na 1997 el a ser di tres despues di Al Pacino y Johnny Depp como miembro di un ekipo di gangster den “Donnie Brasco.”

De bes en cuando e tabata hunga contra tipo. Den e



aventura di orca di famia di 1993 “Free Willy” e tabata e tata di criansa di e protagonista huerfano.

Madsen lo a regresa na rolnan mas chikito pero a traha constantemente den e ultimo dos decadanan di su carera. “Den e ultimo dos añanan Michael Madsen a bin ta haci algun trabou increibel cu pelicula independiente incluyendo e proximo pelicula

‘Resurrection Road,’ ‘Concessions’ y ‘Cookbook for Southern Housewives,’ y tabata realmente ansioso pa e siguiente capitulo aki den su bida,” su gerentenan Smith y Susan Ferris y e publisista Liz Rodriguez a bisa den un declaracion.

Nan a agrega cu e “tabata un di e actornan mas iconico di Hollywood, cu hopi lo sinti falta di dje.”

APEROL SPRITZ | **MOËT & CHANDON** CHAMPAGNE

HAPPY 4TH OF JULY

JULY 4, 2025

DJ Aguilar 5:30pm
Marisela Band 7:30pm

ZIMA.ARUBA
Reservation number: 699-9317

JOIA BY IBEROSTAR | **ZIMA**

Hungador di Liverpool Diogo Jota y su ruman homber a fayece den un accidente di auto na España, segun polis

(AP) — E hungador di Liverpool Diogo Jota y su ruman homber a muri den un accidente di auto na España ora e Lamborghini cu nan tabata aden a desvia for di caminda y a rementa, polis a bisa diahuebs.

Guardia Civil Spaño a confirma na The Associated Press cu Jota di 28 aña y su ruman homber di 25 aña, André Silva, a ser haya morto cerca di e ciudad noordwest di Zamora.

Jota su morto ta bin algun siman despues cu el a casa cu Rute Cardoso mientras e tabata cu vakantie di un temporada largo despues cu el a yuda Liverpool gana e titulo di Premier League. Riba casamento, el a skirbi den un post riba red social, “Si pa semper.” E ta laga atras tres yiu, esun di mas chikito a nace aña pasa. Polis tabata investigando e causanan di e accidente cu a sosode pasa di mey anochi ora local. Nan a bisa cu no tabatin ningun otro vehiculo involvi y cu e rumannan tabata nan so den e auto. E curpanan ta bou di analisis forensico.

No tabata cla ken tabata stuur e auto. Polis tabata mirando e hipotesis cu e accidente a sosode pa motibo di un taira explota mientras cu nan a purba pasa un otro vehiculo.

E accidente a sosode mientras cu Jota y Silva, kende tambe ta un futbolista Portugues, tabata biaha den direccion oost riba un caminda isola mas o menos un ora west di Zamora.

Imagennan di video despues di e accidente publica pa media Spaño a mostra marcanan di taira ta desvia for di caminda pa bay den direccion di baranca kibra. Por a mira e auto kima varios meter dilanti, cu algun di e vegetacion rond di dje destrui pa e candela.

Jota tabata tumando su vakantie di verano for di futbol despues di a yuda Portugal gana e Liga di Nacion. E final ey di 8 di juni contra España na Munich tabata su ultimo wega.

E hungadonan di Liverpool mester cuminsa train pa e siguiente temporada dialuna. Pero e participacion di Jota den e Liga di Nacion por a dun’e algun tempo extra liber prome cu e ser yama back pa Liverpool.

Liverpool a bisa cu e club ta “devasta pa e fayecimento tragico.”

“Liverpool FC lo no haci mas comentario na e momentonan aki y ta pidi pa e privacidad di famia, amigo, compañero di ekipo y personal di club di Diogo y Andre ser respecta mientras nan ta purba di acepta un



perdida inimaginabel. Nos lo sigui duna nan nos sosten completo.”

Fanaticonan di Liverpool a reuni pa pone flor y sjaal di e ekipo pafor di Anfield Stadium pa lamenta e fayecimento di Jota ora cu e noticia di su morto a plama.

Jota a forma parti di Liverpool for di Wolves na 2020 y a gana tres trofeo grandi cu e club di Merseyside.

Jota tabata un finalista clinico, anotando 65 gol den 182 wega pa e Reds. Su ultimo gol pa e club tabata e ganador den e derbi di Merseyside contra Everton na april, cu a hiba e team mas cerca di e titulo di liga.

Su ruman homber Silva a hunga cu e club Portugues Penafiel den e division mas abou.

Prome Minister di Portugal, Luís Montenegro, a comenta riba e mortonan “inespera y tragico”. El a bisa cu Jota tabata “un atleta cu a honra e nomber di Portugal grandemente.”

“Mi ta extende mi mas profundo condolencia na nan famia,” el a bisa. “Ta un dia tristo pa futbol y pa deporte nacional y internacional.”

Naci na Porto na 1996, Jota a haci su debut profesional cu e club Portugues Paços de Ferreira.

E federacion di futbol Portugues a publica un comunicado lamentando e mortonan. Presidente di e Federacion Pedro Proença a bisa cu futbol Portugues tabata “completamente devasta.”

“Mas cu un hungador fantastico, cu casi 50 aparicion pa e seleccion nacional, Diogo Jota tabata un persona extraordinario, respecta pa tur su coleganan y oponentenan. E tabatin un alegria contagioso y tabata un referencia den su comunidad,”

Proença a bisa den e declaracion.

E federacion Portugues a bisa cu a pidi un minuut di silencio prome cu e wega di diahuebs entre Portugal y España den e Campeonato Europeo Femenino cu a tuma luga na Suisa.

Mundo di deporte ta reacciona

Reaccion tambe a cuminsa drenta for di tur parti di mundo, incluso di deportistanan cu no ta hunga futbol manera e strea di NBA LeBron James — un doño minoritario na Liverpool — y e leyenda di tennis Rafael Nadal.

“E no ta cuadra”, e compañero di Jota na Portugal, Cristiano Ronaldo a bisa. “Apenas nos tabata hunto den e seleccion nacional, apenas awor bo a casa. Mi condolencia na bo famia, na bo casa y na bo yiunan. Mi ta desea nan tur forsa na mundo. Mi sa cu semper boso lo ta cu nan. Sosega na paz, Diogo y André. Nos tur lo sinti boso falta.”

Ex club Porto y ex compañeronan a lamenta e mortonan y a manda condolencia, mescos cu otro clubnan, federacionnan y liganan.

Premier League a bisa cu e tabata “den shock y devasta.”

“Nos mas sincero condolencia ta bay na famia di Diogo, amigonan, Liverpool FC, y tur nan sostenedornan den e momento doloroso aki,” el a bisa. “Futbol a perde un campeon di cual nos lo sinti nan falta pa semper. Nos lo sigui sostene nos amigonan y coleganan na e club.”

UEFA a bisa cu su pensamentonan tabata cu mayornan, amigonan y compañeronan di ekipo afecta “pa e perdida doloroso aki.” A bisa cu un momento di silencio lo ser observa na e weganan di Euro 2025 riba diahuebs y diabierna.



Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Corte Supremo lo tuma un caso nobo tocante cua ekiponan di deporte escolar studiantenan transgenero por forma parti di dje

(AP) — Corte Supremo a bay di acuerdo diahuebs pa trata un caso tocante restricción estatal riba cua ekipo di deporte escolar studiantenan transgenero por forma parti di dje.

Apenas dos siman despues di a sostene un prohibición riba cuidu cu ta afirma genero pa hobennan transgenero, e huesnan a bisa cu nan lo revisa decisionnan di corte mas abou na favor di atletanan transgenero na Idaho y West Virginia.

E bataya nacional riba e participación di mucha muher transgenero den ekipo deportivo di mucha muher a tuma lugar tanto na nivel estatal como federal ya cu Republicanonan a probecha di e asunto como un lucha pa husticia atletico pa hende muher y mucha muher.



Mas cu dos dozijn di estado a promulga leyman cu ta prohibi hende muher y mucha muher transgenero di participa den cierto competencianan deportivo. Algun politica a ser blokea den corte.

Na nivel federal, e administracion di Trump a presenta demandanan y a lansa investigacionnan riba politica estatal y escolar cu a permiti atletanan transgenero pa competi libremente. E siman aki, Universidad di Pennsylvania a modifica un trio di record di scol estableci pa e landador transgenero Lia

Thomas y a bisa cu e lo pidi dispensa na atletanan femenino “desbentahoso” pa su participacion den e ekipo di landamento femenino, parti di un resolucian di un caso federal di derechonan civil.

Presidente Republicano Donald Trump tambe a actua agresivo den otro areanan cu ta involvi hende transgenero, incluyendo kitamento di trupa transgenero for di servicio militar. Na mei, Corte Supremo a permiti e destitucion di miembronan di servicio transgenero pa sigui, anulando decisionnan den cortenan mas abou cu a blokea esaki.

E caso nobo lo ser argumenta den augustus

West Virginia ta apelando un decision di corte mas abou cu a haya cu e prohibicion ta viola e derechonan di Becky

Pepper-Jackson, kende a bin ta tuma remedi pa blokea pubertad y a identifica publicamente como un mucha muher for di tempo cu e tabata den di tres klas. Pepper-Jackson a demanda e estado tempo e tabata na scol secundario pasobra e tabata kier competi den e ekipo di cross country y pista.

E aña escolar cu a pasa, Pepper-Jackson a clasifica pa e encuentro estatal di pista di scol secundario di mucha muher di West Virginia, terminando di tres den e lansamento di disco y di ocho den tiro den e division di Klase AAA.

E di cuatro corte di Apelacion di Circuito di Merca a dicta sentencia pa Pepper-Jackson den dos area, bou di e clausula di proteccion igual di e constitucion y e ley federal historico conoci como Titulo

IX cu ta prohibi discriminacion sexual den enseñansa.

Idaho na 2020 a bira e prome estado den e nacion pa prohibi hende muher y mucha muher transgenero di hunga den ekipo deportivo di hende muher patrocina pa scolnan publico, y universidadnan.

E Union Mericano di Libertad Civil y e grupo di derecho di hende muhe Legal Voice a demanda Idaho na nomber di Lindsay Hecox, kende tabata spera di por a core pa Boise State University.

E estado a pidi pa revision di Corte Supremo despues cu cortenan mas abou a blokea e prohibicion di e estado mientras e demanda ta sigui.

E huesnan no a actua riba un di tres caso di Arizona cu ta trece dilanti e mesun asunto.

Edicion di aniversario di regatta di nabegacion di Aruba ta atrae 60 participante di tres isla

(Aruba.nu) – E di 15 edicion di Regatta Internacional di Aruba a conclui exitosamente diadomingo 29 di juni, despues di dos dia di competencia emocionante den Regatta Village. E evento di aniversario a atrae casi 60 nabegante, entre nan participantenan pa prome biaha for di Corsou y Boneiro.

E festival di nabegacion di tres dia a cuminsa diabierna 27 di juni, cu e ceremonia di



apertura, sigui pa competencianan riba diasabra y diadomingo. “Tabatin un sentido adicional di emocion den

laira, kisas debi na e weer perfecto of tur e caranan nobo,” e organizacion a bisa.

Ademas di e participantenan tradicional Arubiano, e evento a yama bon bini na dos nabegante nobo di Corsou, dos di Boneiro y un participante regresando di Merca.

Clase di Nabegacion

E regata a conta cu ocho diferente clase di nabegacion, for di categorianan hubenil manera Optimist y SailQubes te na e Racing Class Yachts competitivo. Particularmente popular tabata e clase di boto miniatura cu ta conta cu bo-

tonan tradicional traha na man cu ta midi 30, 35 y 40 inch, reflehando herencia maritimo di Aruba.

Un total di 44 boto a start: 10 capitan di boto miniatura, 19 marinier hubenil, 12 boto Sunfish, 1 beachcat y 2 yate di careda. E organizacion a desplega dos boto di rescate cu lifeguard certifica pa seguridad.

E di 16 edicion ta planea pa 2026.

Profar ta regresa cu home run despues di suspension di doping

(Curacao.nu) – Basebolista Jurickson Profar mesora a corona su regreso despues di un suspension di doping cu un home run. E nativo di Corsou di 32 aña a yuda Atlanta Braves na un victoria di 8-3 riba Los Angeles Angels den Liga Grandi di baseball ayera.

Profar a keda suspendi pa ochenta wega na april despues di a test positivo pa e hormona HCG. E estimulante di testosteron aki ta riba e lista di doping di tanto MLB como e autoridad mundial di doping WADA.

Despues di varios luna afo, e basebolista experiencia a

monstra mesora cu e ta cla pa aporta na su team.

Den e di seis ining, Profar a provee un hit di base importante y a score un careda riba e home run di su compañero Sean Murphy. Un inning despues, el a completa e fiesta door di dal riba e verf su mes pa e di ocho careda di

Braves. E compatriota Ozzie Albies tambe a contribui na e victoria.

Profar su regreso exitoso ta bon noticia pa Atlanta Braves, cual actualmente ta luchando pa un puesto den playoff den Liga Nacional.



Astronomonan ta sigui obheto cu por a origina pafor di e sistema solar

(AP) — Astronomonan ta monitoreando un obheto cu ta biniendo nos caminda cu por a pasa for di un otro sistema di strea.

Cientificonan a descubri loke por ta solamente e di tres obheto interestelar conoci pa pasa door di nos sistema solar, e Agencia Espacial Europeo a bisa diaranson.

E obheto inofensivo actualmente ta cerca di Jupiter shen miyones kilometer leu y ta moviendo den direccion di

Marte, pero e no mester yega mas cerca di solo cu esey, segun científico.

Ta mucho pronto pa sa si e obheto, designa pa awor como A11pl3Z, ta un asteroide di piedra of un cometa di ijs, of con grandi y ki forma e ta. Mas observacion ta necesario pa confirma su origen. NASA a bisa cu e ta vigilando e situacion.

Astrofisico Josep Trigo-Rodríguez di e Instituto di Ciencia Espacial cerca di Barcelo-

na, España, ta kere cu e ta un obheto interestelar basa riba su trayecto straño y velocidad extremo cu ta corta door di e sistema solar. E ta calcula su tamaño na mas o menos 40 kilometer di largura.

E prome bishitante interestelar confirma tabata na 2017. El a ser yama Oumuamua, Hawaiano pa 'scout', nombra pa e observatorio na Hawaii cu a descubri esaki. Clasifica na prome instante como un asteroide, Oumuamua a muestra señalnan di ta un co-

meta.

E di dos obheto confirma di a desvia for di un otro sistema

di strea pa bin den nos direccion ta 21/Borisov, descubri na 2019 y posiblemente un cometa.



DNA antiguo ta muestra connexion genetico entre Egipto y Mesopotamia

(AP) — DNA antiguo a revela un connexion genetico entre e culturanan di Egipto antiguo y Mesopotamia, segun investigacion publica diaranson den e revista Nature.

Investigadonan a secuenciar genomanan completo for di e djentenan di un skelet remarcablemente bon conserva haya den un wea di entiero seya den un sitio di graf di Egipto cu ta data di entre 4.495 y 4.880 aña pasa.

Cuater di cinco parti di e genoma a muestra connexionnan cu Nort Africa y e region rond di Egipto. Pero un di cinco parti di e genoma a muestra connexionnan cu e area den Medio Oriente entre e Riunan Tigris y Eufrates, conoci como e Cresente Fertil, caminda civilisacion di Mesopotamia a florece.



“E resultado ta sumamente significativo” pasobra e “ta e prome evidencia directo di loke a ser insinua” den trabounan anterior,” asina Daniel Antoine, curador di Egipto y Sudan na British Museum a bisa.

Evidencia arkeologico anterior a muestra lasonan comer-

cial entre Egipto y Mesopotamia, y tambe similaridad den tecnica di trahamento di ceramica y sistemanan di skirbimento pictorico. Mientras cu similaridad den structuranan dental a sugeri posibel connexion ancestral, e estudio nobo ta aclaria e lasonan genetico.

E Riu Nilo a “probablemente

fungi como un supercarretera antiguo, facilitando e movicion di no solamente cultura y ideanan, pero hende,” Antoine a bisa, kende no tabata envolvi den e estudio.

E skelet a ser haya den un compleho di tumba Egipcio na e sitio arkeologico di Nuwayrat, paden di un camber construi for di un sero di piedra. Un analisis riba e skelet — y e presencia di artritis den articulacionnan specifico — ta indica cu e homber tabata probablemente den su 60 aña y por a traha como alfarero, asina e co-autor y bioarkeologo Joel Irish di Liverpool John Moores University a bisa.

E homber a biba net prome of cerca di e comienso di e Reino Bieu di Egipto antiguo, ora cu Egipto Ariba y Abou tabata unifica como un solo

estado, loke a conduci na un periodo di estabilidad politico relativo y innovacion cultural — incluyendo e construccion di e piramidnan di Giza.

“Esaki ta e tempo cu poder centralisa a permiti e formacion di Egipto antiguo manera nos conoc’e,” e co-autor Linus Girdland-Flink, un paleogenetico na Universidad di Aberdeen a bisa.

Mas o menos na e mesun tempo, Sumerio a saca raiz na Mesopotamia y a surgi como un sistema di skirbimento.


Investigadonan a bisa cu analisis di otro muestranan di DNA antiguo ta necesario pa obtene un bista mas cla di e alcance y tempo di movicion entre e dos centronan cultural.

Inteligencia artificial por horta trabou di nivel di entrada na Hulanda

(NLTime) – Hobennan cu ta buscando trabou na Hulanda ta confrontando menos oportunidad ya cu e parti di posicionnan habri dirigi na empleadonan jong a baha drasticamente durante e ultimo aña, y inteligencia artificial (AI) por ta e culpa, segun Het Financieele Dagblad (FD).

E firma di dato Intelligence Group a analisa tur vacatura activo den e pais y a haya cu den e di dos kwartaal di 2025, apenas 9,2 porciento tabata dirigi riba graduadonan recien y candidatonan cu tiki experiencia di trabou. Den e mesun periodo na 2024, e parti ey tabata 14,4 porciento.

E investigadonan no a identi-



fica un solo splicacion cla pa e bahada pero a muestra riba factornan macroeconomico mas amplio y e rol creciente di inteligencia artificial como

posibel causa.

E cifranan segun informe ta cuadra cu un rapport cu e Agencia Hulandes di Seguro

di Empleado (UWV) a publica diahuebs. E instancia ta adverti cu e aumento di inteligencia artificial generativo ta forma un menasa pa e per-

spectivanan di empleo pa trahadonan di nivel di entrada. “Nan lo tin mas dificultad pa construi un carrera,” UWV a declara.

Di acuerdo cu Frank Verduijn, un consehero di mercado laboral na UWV, tecnologia di inteligencia artificial generativo por facilmente tuma over tareanan preparatorio cu hopi biaha ta ser realiza pa personal jong den terenonan manera consulta y conseho financiero. “E trabou ey awor ta ser haci pa gran parti pa juniors,” Verduijn a bisa FD.

E rapport tambe ta resalta cu vacancianan den IT y servicio na cliente ta particularmente vulnerabel pa automatizacion y reemplazo pa sistemanan di AI.

Atrobe candela grandi ta molestia bisiñanan banda di P.O.V.A.

Diaranson mainta a drenta informe di cu bisiñanan na Barcadera y vecindario tin molester di huma, mesora a dirigi tanto polis como bomberonan na e sitio.

Na yegada di e patruya a bin nota cu aki ta trata di un candela molestioso pa e habitantenan den cercania y a pidi presencia di bomberonan. Na yegada di e bomberonan a inicia cu un combate duro y directo pa asina logra paga e candela completamente.



Chauffeur a bay dal tras di auto

Ambos chauffeur ta herida



Diaranson mainta a drenta informe di un accidente cu hende herida pariba

di e crusada di Sero Pita, mesora a dirigi tanto polis como ambulance na e

sitio.

Na yegada di e patruya a bin compronde cu aki ta trata di un accidente unda cu un chauffeur di un Toyota Yaris no a regula su velocidad ni a mantene distancia y a bay dal tras di un Honda Fit.

E impacto tabata basta fuerte te cu ambos chauffeur a resulta herida. Na yegada di e 2 ambulancenan nan a atende ambos victima y a transporta nan pa hospital.

Persona alrededor di 60 aña a kita cay riba caminda

Diaranson mainta a drenta informe di cu un persona di alrededor di 60 aña a kita cay riba caminda y no tabata muera bon, mesora a dirigi tanto polis como ambulance na e sitio.

Na yegada di e patruya a bin compronde cu e persona lo a bira malo, cual lo por a causa su caída riba caminda. Na yegada di e ambulance mesora a pone e persona den e ambulance y a atend'e pa djey transport'e cu urgencia pa hospital.



Polis a detene un persona banda di Maria College den oranan di mainta



Diaranson mainta poco prome cu merdia polisnan di Oranjestad a detene un persona banda di Maria College, mesora a transport'e pa warda di polis na Oranjestad.


Nos no sa pa cual motibo maske nos a puntra e vocero policial pero te na e momento di publica e noticia aki nos no a logra haya sa. Pero na momento cu nos tin e informacion nos lo divulga esaki.

Polis a detene persona burachi cu a dal borchinan di trafico

Diaranson mey anochi a drenta informe di cu tin un auto cu lo a dal e borchinan kibra y palo di luz den e parkinglot di Dimas y D.A.O. anto bay pasa den verboden den Koningstraat.

Mesora a patruyanan a sali y a logra blokia e crusada di Kon-

ingstraat cu Emmastraat. Ora nan a bay atende cu e chauffeur, akinan tabata trata di un persona bao influencia y cu tabata papia cosnan bruha. E tabata compaña cu un otro persona, tambe burachi. Polis mesora a deten'e y despues a bay wak e daño haci den e parkinglot di Dimas.



Dinamarca ta lansa su presidencia di EU mientras e ta enfrenta guerra den Ucrania y caos di tarifanan for di Trump

(AP) — Dinamarca a lansa su presidencia di Union Europeo diahuebs cu un yamado pa Europa uni pa enfrenta e guerra den Ucrania y e caos causa pa aumento di tarifanan di importacion global imponi pa presidente Mericano Donald Trump, loke probablemente lo caracteriza e periodo di seis luna cu e pais Nordico lo tin na cabes di e bloc comercial mas grandi di mundo.

“Nos tin guerra riba tereno Europeo. Nos ta enfrentando guerra comercial, tarifanan nobo, y nos aliado mas cercano — Merca — ta birando cada bes mas cera,” minister di Asunto Europeo di Dinamarca, Marie Bjerre, a bisa. “Europa no por sigui biba mas den sombra di Merca. Nos mester para riba nos mesun pia awor.”

Premier Mette Frederiksen y presidente di Comision Europeo Ursula von der Leyen tabata den e ciudad occidental Aarhus pa un dia di celebracion mientrastanto Dinamarca a cuminsa su di ocho presidencia di EU desde cu el a uni na 1973.

E presidencianan ta rotativo entre e 27 paisnan miembro cada seis luna. E pais cu ta na turno ta establece prioridadnan di politica y ta organisa e agenda di trabou di e bloc. E ta anticipa di actua como un “intermediario honesto,” pone interesnan nacional na banda pa busca consenso.

Dinamarca ta cuminsa su periodo cu e lema: “Un Europa Robusto den un Mundo Cambiante.” Su meta ta pa yuda Union Europeo tuma responsabilidad pa su propio seguridad, amplia su competitividad economico y combati cambio climatico.

E ceremonia a tuma lugar mientras gran parti di Europa ta sufriendo di temperatura halto.

Un reto existencial: guerra y economia

E guerra di Rusia contra Ucrania, cu ya ta drentando su di cuater aña, ta considera como un reto existencial pa Europa y lo pesa hopi riba mayoria debate di politica. Turbulencia economico tambe ta riba horizonte. E pausa di 90 dia pa tarifanan di importacion imponi pa Trump ta vence



dia 9 di juli sin cu tin un acuerdo comercial EU-Merca cla ainda.

Defensa: prepara pa 2030 y meta di 5%

NATO a adverti cu Rusia por ta prepara pa ataca otro pais Europeo dentro di 3 te 5 aña. Pa prepara, e alianza militar — di cual mayoria di su miembronan ta miembro di EU tambe — a acorda cu gasto nacional riba defensa y militar mester subi te cu 5% di GDP.

Prioridad di Dinamarca lo ta pa pone Europa riba un ruta pa defende su mes na manera completo prome cu 2030. Esaki ta inclui pone e fundeshi pa paisnan por cumpra e equipo militar necesario pa implementa e plan di defensa di NATO, considerando cu prioridadnan di seguridad di Trump no ta inclui Europa.

Esaki lo implica finalisa e negociacionnan riba propuesta cu lo permiti paisnan pa cumpra y fabrica equiponan militar hunto.

Expansion di EU: Ucrania y Moldova

Yuda Ucrania y Moldova pa uni na EU lo ta un otro prioridad di seguridad. Moldova a ser sacudi pa interferencia Ruso den forma di coercion energetico, manipulacion di eleccion y campaña di desinformacion.

Dinamarca ta bisa cu nan kier mantene e dos pais riba un caminda comun pa union, pero Hungría ta blokiando e entrada di Ucrania. Prome minister Viktor Orbán ta in-

sisti cu Ucrania mester keda como un ‘buffer zone’ entre Rusia y paisnan di NATO.

Cu eleccion nobo na Moldova tumando luga den september, tin mas presion pa EU “separa” e caminda di acceso di e dos paisnan. Bjerre a bisa cu “tur medio politico y practico” lo ser usa pa convence Hungría — un pais chikito den EU y e unico cu ta para den caminda di Ucrania — pa kita su veto.

E tambe a enfatisa cu ta importante pa manda señal cla na paisnan Balcanico, unda hopi di nan ta warda hopi aña pa uni.

Competitividad comercial

Mientras Trump ta lansa un guerra di tarifa, e dinamica comercial mundial a cambia drasticamente. EU a busca acuerdonan nobo cu otro paisnan manera India, mientras cu otronan ta bao revision. Dinamarca ta bisa cu ta importante pa acelera e proceso.

E gobierno na Copenhagen tambe ta buscando pa elimina mas burocrata pa acelera innovacion.

Un reto grandi ta e presupuesto di largo plaso di EU. Von der Leyen tin plan pa presenta e presupuesto pa e plan di gasto pa siete aña, cu lo na vigor den 2028, dia 16 di juli.

Cu aumento di gasto militar presionando e presupuesto nacional, e paisnan miembro probablemente no lo kier

contribui mas. Dinamarca su meta ta pa inicia e debate — cu por dura dos aña — den un direccion positivo.

Clima: rumbo pa 2040 y 2050

A pesar di cierto atraso, EU ainda ta comprometi na logra neutralidad climatico pa 2050, cu ta inclui cortando emisionnan di gas cu ta crea e efecto di invernadero y compensa esnan afecta pa esaki. Dinamarca lo dirigi e trabao pa establece un meta pa 2040 pa guia e accion y inversion climatico.

Esaki ta inclui un transicion pa distancia for di combustible fosil pa energia limpi. E guerra di Rusia contra Ucrania a haci cla e peliger di dependencia energetico riba un solo proveedor.

Sancionnan y presion politico no a logra para cierto paisnan den EU di sigui cumpra gas

y petroleo for di Rusia, aunke e nivel di dependencia a baha hopi desde 2022. Dinamarca ta bisa cu e proceso di eliminacion gradual mester sigui.

Copenhague tambe ta kere cu mester ta mas facil pa agricultornan cumpli cu regulacionnan di EU. Nan kier un politica agricola cu ta simplifica y amigabel pa negoshinan. Un meta ta finalisa negociacion riba un pakete pa simplifica regulacion.

Migracion: outsourcing y control

Den 2021, Frederiksen a expresa un vision di “cero buscado di asilo,” y su gobierno lo sigui riba e caminda di EU pa busca “solucionnan innovador” pa mancha migrantenan.

Sin acuerdo claro riba e miho manera pa actua, e paisnan di EU a concentra mayormente riba deportacion. Nan a purba establece “centronan di repatriacion” den paisnan pafu di EU pa manda buscadonan di asilo rechasa. Esaki lo sigui. Dinamarca ta bisa cu ta importante pa convence hende pa no purba drenta Europa como prome opcion.

Tambe lo sigui traha riba preparacion di e gran pacto di asilo y migracion pa tuma vigor otro aña. E pacto tabata considera como e solucion pa e reto migratorio Europeo, pero paisnan ainda no ta di acuerdo riba e miho manera pa mancha e desafio.

Bao ley internacional, hende tin derecho na asilo si nan ta teme pa nan bida, seguridad of pa persecucion.



Lider di Corea di Sur ta bisa cu acuerdo comercial cu Merca ainda no ta cla pa deadline di Trump

(AP) — Presidente di Corea di Sur, Lee Jae Myung, a bisa cu ainda no ta cla si Seoul y Washington lo por logra un acuerdo riba nan negociacion di tarifa di importacion prome cu e deadline estableci pa presidente Mericano Donald Trump pa e siman cu ta bin, indicando diahuebs cu e dos paisnan ainda ta trahando pa clarifica nan posicion y identifica areanan di acuerdo.



Durante su prome rueda di prensa desde cu el a tuma e puesto presidencial luna pasa, Lee tambe a ripiti su intencion pa mehora e relacionnan hopi tenso cu Corea di Norte, aunke el a recon-

oce cu e desconfianza mu-
tuo entre e dos Coreanan ta
hopi profundo pa sanamento
rapido.

E aumento den tarifanan
di importacion imponi pa

Trump y e otro politicanan di “Merca Prome” ta un reto principal pa e gobierno nobo di Lee, cu apenas tin un luna. Tambe e lo ta enfrenta cu e progreso di e programa



nuclear di Corea di Norte y problemaman economico interno. Lee, un lider liberal, a yega na poder despues di gana un eleccion presidencial adelanta, ocasiona pa e impeachment di e ex-presidente conservador Yoon Suk Yeol despues cu el a impone ley marcial den december.

Tin preocupacion creciente na Seoul cu Trump por exige un acuerdo mas amplio tambe, cu por implica cu Corea di Sur lo tin cu paga hopi mas pa e 28.000 soldadnan Mericano desplega den e pais pa aborda menasanan for di Corea di Norte.

Lee a pidi constantemente pa tin pasenshi riba e tema di tarifanan, argumentando cu pa accelera un logro di acuerdo tempran no ta sirbi e interes nacional. Su minister di Comercio, Yeo Han-ko, supuestamente ta preparando un bishita pa Washington pa reuni cu Representante di Comercio Mericano Jamieson Greer y Secretario di Comercio Howard Lutnick.

Lee ta purba rebiba e dialogonan cu Corea di Norte

Tocante Corea di Norte, Lee a bisa cu e lo purba restaura e dialogonan cu Pyongyang, di cual cooperacion militar creciente cu Rusia ta presenta un preocupacion serio pa su bisña pazuid.

“Mi ta kere cu nos mester mehora nos relacion cu Corea di Norte basa riba coordinacion y consulta confiable entre Corea di Sur y Merca,” Lee a bisa. “Pero mi ta anticipa cu esey no lo ta facil pasobra e antagonismo y desconfianza mutuo ta demasiado serio.”

Lee a bisa cu e negocia-
cion riba tarifanan cu Merca
“claramente no ta facil” y el
a enfatisa cu e dos paisnan
mester yega na un resultado
mutuamente beneficioso.

“Ta difícil pa bisa cu certeza si nos lo logra yega na un acuerdo prome cu 8 di juli. Nos ta haciendo nos miho esfuerço,” Lee a bisa. “Loke nos mester ta un resultado berdaderamente reciproco cu ta beneficioso pa e dos banda, pero te awor, e dos banda ainda ta purba clarifica kico nan realmente kier.”

E pausa di 90 dia cu Trump a impone riba tarifanan global reciproco ta vence dia 9 di juli, loke por expone produccion di Corea di Sur na tarifanan di te cu 25%.

Washington ta keda busca separadamente pa impone tarifanan mas halto riba productonan specifico manera automobil y semiconductor, cu ta exportacion clave pa e economia dependiente di comercio Sur Coreano.

Resultado Sorteo
Juli 03

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
6403	8620	3823	0607
9127	9202	SUPER5	5818
7625	7608	-	4549

MERDIA

ANOCHI

Sorteo # 4669
9603
4446
6659
FP
Sorteo # 4669
4805
FP
Sorteo # 2725
8332
Sorteo # 4669
2353
Aries
Sorteo # 1543
958
FP

Sorteo # 8586
9074
0376
0361
X2
Sorteo # 7630
0834
X3
Sorteo # 2335
5873
Sorteo # 6389
0722
Libra
Sorteo # 1319
992
X3

Sorteo #	Joker Letter
0 x Jackpot	Proximo Jackpot
0 x Match 4+	
0 x Match 4	
0 x Afl. 12,00	
	200.000,-
Sorteo # 6875	Proximo Jackpot
0 x Jackpot	
4 x Match 4	
156 x Afl 8,00	
	04-10-17-18-24
	64.000,-

Sorteo #	Mega Ball
0 x Jackpot	Proximo Jackpot
0 x match 4	
0 x Afl. 500,00	
0 x Afl 50,00	
0 x Afl.15,00	
	Afl. 1.300.000,-

		Sorteo # 189
Sorteo #	#VALUE!	125663





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle : Centro Medico:
Tel. 587 9011 Tel. 584 5794

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Polis Danes ta examina pakete sospechoso na embahada di Israel na Copenhagen

(AP) - Polis tabata examinando un pakete sospechoso manda na e Embahada di Israel na Dinamarca su capital segun autoridadnan a bisa diahuebs.

Noticiero publico Danes DR a muestra potret di varios polis y vehiculo di emergencia cerca di e embahada na Copenhagen, incluyendo loke nan a reporta di ta un ekipo di respuesta na emergencia su vehiculo. Varios oficial di polis, soldadnan arma y homber den trahe di hazmat cu mascara di gas berde scur tabata para tras di un area separa na parti nort di Copenhagen.

Polis di Copenhagen a skirbi riba X cu "nos ta presente na e embahada di Israel, unda nos ta investigando un pakete ricibi." Nan a agrega cu "actualmente nos no tin mas informacion." Polis tambe a bisa cu nan a blokia e cayanan cerca di e embahada.

Despues diahuebs atardi, polis a publica riba X cu "ainda nos ta presente cerca di e embahada. Nos lo keda pa algun ora mas te ora cu nos a caba di investiga e situacion."

Andres Frederiksen, hefe na Copenhagen Police, a bisa Ekstra Bladet cu "ciudadanonan ordinario den e area no mester preocupa." El a agrega cu e investigacion ta tumando lugha paden di e edificio di e embahada despues cu empleadonan a alerta polis.

Frederiksen a nenga duna comentario tocante e contenido di e pakete sospechoso.

Un vocero acerca via telefon na e departamento di prensa di e embahada na Copenhagen a bisa cu e no por duna comentario tocante e situacion.

Oficialnan di seguridad den varios pais Europeo a au-



menta vigilancia y proteccion di institucionnan Hudiu y Israeli despues cu un guerra di 12 dia a surgi entre Israel y Iran den juni.

Siman pasa, oficialnan di se-

guridad a detene un homber den e ciudad Danes di Aarhus bao sospecha di reuni informacion di localidadnan Hudiu y individuonan Aleman pa inteligencia di Iran.

Pronostico di tempo

Tempo:

Awe nochi: parcialmente nubia y generalmente seco
Den marduga y mañan: parcialmente nubia cu un awasero breve

Temperatura maximo 33 grado Celsius

Temperatura minimo 27 grado Celsius

Indice di calor (heat index) den y rond di oranan di merdia: 34 pa 40 grado Celsius
UV index: 12

Bahada di solo : 7:09 pm
Subida di solo : 6:18 am

Biento:

Moderate te basta fuerte for di direccion oost; Forsa 4 te 5 (20 te 39 km/ora, 11 te 21 nudo)
Den dia fuerte te posiblemente duro den rafaga; Forsa 6 te 7 (40 te 61 km/ora, 22 te 33 nudo)

Situacion general di tempo:

Humedad persistente den area, lo pone cu de bes en cuando mas nubia lo riba region local y produci algun awasero breve. Un proximo ola tropi-



cal ta aproximando parti oost di Caribe y lo pasa den region bay west durante di mañan diamars pa diaranson.

Condicionnan maritimo/estado di lama:

Na partinan protegi di costa: keto, rond di 1 pia.
Na partinan zuid: tranquil te modera cu olanan di 1 pa 3 pia.
Na partinan oost te noordwest di costa; modera te localmente poco bruto cu olanan di 4 pa 7 pia, localmente 8 pia.

Aviso/ alerta:

Un aviso pa boto chikito ta na vigor pa partinan oost, noord te noordwest di area di costa. Cautela mester wordo cherce riba lama habri.

Like us on
Facebook



facebook.com/bondianoticia

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever

Cu profundo dolor nos ta anuncia fayecimento di nos amor stima:

Señor Casper Tromp
Cariñosamente yama “Capi, Capeis”
*06-02-1944 - †29-06-2025



Na number di su:

Casa cu ela stima: † Gloria “Jojo” Tromp-Vrolijk

Mayornan: †Nemencia Tromp “Ma Jeje”, †Charles Ponson “Chalito”

Yiunan:

Jorge Tromp y familia
Casper “Juni” y Esther Tromp-Dijkhoff y familia
Lourdes “Lulu” y Antonio Henriquez-Tromp y familia
Marlyn Tromp y familia
Carina y Thomas “Tom” Arends-Tromp y familia
Dorothy y Gregory Tromp-Tromp y familia
Sander y Yndhira Tromp-Harms y familia
Sergio y Malelys Tromp Lopes Bolaño y familia

Rumannan:

Rolando “Roly” y Santa Tromp Joy y familia
Vda.Thelma Colina-Tromp y familia
Karel “Ito” y Lourdes Tromp-Maduro y familia
Vda. Edwina Jacobs-Tromp y familia
Victorina “Inchi” y Cadir Boekhoudt-Tromp y familia
Edwin “Luly” y Raquel Tromp-Ramos y familia
Sylvia “Lila” Tromp y familia
Hubert “Ibi” y Lourdes Tromp-Maduro y familia
Glenda Croes y Edwin Tromp y familia
† Yolanda Tromp

Nieto(a)nan: Jorge Jr. Tromp, Gio Vrolijk, Simoen Tromp, Edward Tromp, Lou-ann Henriquez, Reginald Tromp, Roxean y Giovanni Bouterse-Tromp, Raygell Tromp, Rendrich Tromp, Richard “Richi” y Shanyne Croes-Kock, Mary-Ley y Marius Burghlelea-Croes, Maribel Croes, Roos Croes, Abel Villagra, Gerina y Roland Feliciano-Villagra, Jamir y Daniela Arends-Oduber, Stephany y Jhancarlos Geerman Perez Croes, Gerson Tromp, Sheandry y Shyna Tromp-Ras, Genaro y Jureska Roga-Martie, Xeander y Helen Tromp Geesterkamp, Xeandrick y Roshleen Tromp-Werleman, Kysiandra Tromp, Sergeant Tromp, Sergio “Sette” y Valentina-Sarate, Zyron Tromp, Genesis Tromp

Bisanieto(a)nan: Yelvin y Jeiam, Roxean, Cavanny, Tyler Tromp, Rishawn, Alessandra, Yashin, Anolthone, Phenellephe Croes, Edilienne, Ferdison, Ferdi-Ley, Nyzienne, Leyzienne Maduro, Mary-Jane, Marvin, Marvelyne, Zyron, Ionut Croes, Anuel Werleman, Abigail Villagra, Aizar Arends, Taisha, Logan Geerman Perez, Gedrion Roga, Shadrion Roga, Gzion Roga, Aranza Villamizar, Gerion Tromp, Eilyn Tromp

Sobrino(a)nan: Gilbert y Laida Tromp-Dijkhof, Elio y Melissa Tromp-Kock, Dora Tromp y familia, Marlen y Roy Tromp-Tromp, Luvy y John Panik-Tromp, Tuty y Elco Pers-Tromp, Vivian y Rudy v.d Linde-Colina, Jacqueline y Oy Werleman-Colina, Magaly y Delio Romero-Colina, Kathy y Harold Koolman-Tromp, Ryan y Soraima Tromp- van Dinte, Miranda Tromp, Laura y Ronny Tromp-Winterdaal, Elvin Winterdaal, Maritza y Braat Eman-Wouter, Lisandro y Marbelis Wouter, Junior y Marriane Jacobs, Judella y Marlon v.d Linde-Tromp, Ursula y Ruben Toppenberg, Benjamin y Mirianda Boekhoudt, Jessy y Albert de Munick, Sulainne Tromp, Luthuiska Tromp, Carlos Viangelo y Indira Winklaar-Valencia, Miosotis y Igmarr Kelly-Tromp, Giovanni y Ashley Tromp-Lemarrier, Aischell Tromp, Jordy Tromp, Ashwin Tromp, Roboann y Shasha Croes-Bisliip

Stima manera subrino(a)nan: Alvi y Lisaura Vrolijk-Paskel, Alfred y Gyzaky Vrolijk-Tromp, Vivian y Humphrey Kelly-Vrolijk, Viviana y Öz Flanders-Vrolijk, Marcolino y Estephany Boekhoudt-Croes, Jantaly y Gary Agudelo Boekhoudt, Jasmine y Yordan Croes-Maduro, Shari Maduro

Swa y cuñanan:

Sira “Chia” Wester y familia
Elena “Neta” Vrolijk y familia
Alfredo “Vi” y Ingrid Vrolijk-Angela y familia
Mercedes “Janet” y Marco Boekhoudt-Vrolijk y familia
Antonio “Mito” y Alba Vrolijk-Chaveriaga y familia
† Josephina “Frentje” y †Jaco Henriquez-Wester y familia
† Ismael “Mael” y Ina Vrolijk-Tromp y familia
† Florencio “Foijen” y Sophia Vrolijk-Tromp y familia
† Andres “Jani” y Luisa Vrolijk y familia

Ihanan: Jasmine Maduro, Audrey Everon

Amigo(a)nan: Cheban y Clara, Maria y Raphael, David, Eugenie, Rosemarie, Swinda, Chefa, Gerardo y Lina, Tony y Griselda, Javine y casa, Sandy y Claribel, tur otro cu ta hopi pa menshona.

Promer casa: Silvia Quintero

Nos disculpa si nos por a lubida un of otro famia den nos tristeza
Acto di despedida lo tuma lugar Diabierna 04 di Juli 2025 di 9or pa 11or di mainta na Aurora Funeral Home. **Cremashon** lo tuma lugar den seno familiar.

Nos ta lamenta cu despues di entiero lo no por ricibi bishita di condolencia na cas.

Aurora

Royal Pray

Funeral Home & Crematory

Drenta su portanan cu gradicimento,
drenta su tempel cu cantica di alabansa,
glorific’e, bendiciona su Number.
Salmo 100:4



Cu dolor na nos curason, nos ta participa fayecimento di nos ser stima:

Amelia Gavidia Christiaans

Cariñosamente yama “Chichi/Dudu”
*20-03-1941 - †30-06-2025

Acto di entiero lo wordo anuncia despues

Aurora

Royal Pray

Funeral Home & Crematory

Cercano está Jehová a los quebrantados de corazón;
Y salva a los contritos de espíritu. Salmo 34:18



La familia y amigos anuncia el sensible fallecimiento de nuestra querida:

Rosangelika Céspedes
*19-11-1993 †01-07-2025


Invitamos a la ceremonia de despedida que sera realizado el lunes 07 de Julio 2025 de 7 pm a 9 pm en Aurora Funeral Home.

Aurora

Royal Pray

Funeral Home & Crematory

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33



Cu dolor na nos curason, nos ta participa fayecimento di nos ser stima:

Dr. Roderick Gilbert Arends
Mihor conoci como “Rory” of “Doctor Turismo”

*01-08-1939 - †30-06-2025

Acto di entiero lo wordo anuncia despues

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Autor: Cado Wever.

Cu inmenso dolor den nos curason, nos ta anuncia fayecimento di nos ruman stima:



Gilbert Isaac Coromito Tromp
*21-06-1953 - †25-06-2025

Mama: †Carmen Alicia Tromp-Zavala

Tata: †Pedro Tromp

Na number di su:

Rumannan:

Madelien
Alexander y Ivonne
Jasmine

Amiganan di cas:

Nancy Carrion y Greta Arendsz-Petrochi

Primo y primanan, comer y compernan, ihanan, bisiñanan y conocirnan.

Ex coleganan di DIMAS y Concord Hotel

Su cuidador y ayudante: Junaica Donata

Demas famia:

Tromp, Zavala, Boekhoudt, Maduro, Wever, de Almeida, Kock, Sutherland, Korendijk, de Palm, Antoinette, Croes, Leito, Rodriguez, Koopmans, Chirino.

Ta invita pa **acto di condolencia y entiero** cual lo tuma lugar diasabra 5 di juli 2025 na Aurora Funeral Home di 2or pa 4or di atardi.

Despues lo sali pa Santana Catolico na Playa.

Nos ta pidi nos disculpa si den momento di tristesa nos por a lubida algun persona of familiar.

Nos disculpa cu despues di entiero nos no ta ricibi bishita di condolencia na cas.

Polis di Serbia ta detene 79 manifestante mientras oposicion ta sigui contra presidente populista

(AP) - Polis di Serbia a deteni 79 estudiante di universidad y otro manifestantenan mientras e blokeo riba caya den varios ciudad ta sigui, cual ta parti di oposicion persistente contra President Aleksandar Vucic su gobierno populista.

Oficialnan den ekipo pa manifestacion a interweni di aranson laat y diahuebs trempan na e capital, Belgrade, e ciudad Novi Sad y Nis cu Novi Pazar. Autoridadnan a nenga reportahe di brutalidad di polis y uso di forza excesivo contra e manifestantenan. E studiantenan di universidad cu ta atras di e manifestacionnan a bisa cu polis acusa y herida gran cantidad di manifestante pacifico. Testigonan local a bisa media cu polis a golpia e manifestant-



enan cu baton y escudo y cu 4 di e studiantenan ta hospitalisa, incluyendo un cu weso kibra.

4 oficial a keda herida y 1 vehiculo di polis a keda dañá, ministerio di Interior a bisa den nan declaracion, notando cu e oficialnan a “actua di acuerdo cu ely” ora di responde na e inkietud diaran-

son y diahuebs trempan.

E mision di e Unon Europeo na Serbia y United Nations Human Rights Office a bisa cu nan ta monitoriando e situacion di cerca y a urgi pa de-escala e situacion. “Nos ta condena fuertemente cualkier acto di odio y violencia,” EU na Serbia a bisa riba X.



“E derecho di manifestacion pacifico, libertad di asamblea y libertad di expresion mester keda manteni.”

E declaracion a agrega cu “accion di polis mester ta proporciona y respeta derechonan fundamental.”

U.N Human Rights Office tambe riba X a urgi autoridadnan “cherce cautela y re-

speta e libertad di expresion y asamblea pacifico.”

Tensionnan den e pais Balcano a aumenta desde un mitin diasabra unda a exige eleccion parlamentario tempran. E reunion di miles di persona na Belgrade a termina den choke entre polis y e grupo di manifestantenan.

Tiroteo ta laga 4 morto y 14 herida despues di fiesta na restaurant di Chicago

(AP) - E ambiente alegre na un bario di Chicago conoci pa su restaurantnan y bida nocturno rapidamente a bira un horror diaranson ora cu a los tiro na un grupo di persona for di un vehiculo cu tabata pasando, resultando den e fayecimento di 4 persona.

Despues cu a cuminsa tende e tiro, tur hende a cay riba vloer y a cuminsa grita segun testigonan a declara.

“E unico cu manera cu mi por describie ta bisando cu e tabata un zona di guerra,” Pastoor di Chicago Donovan Price, ken ta responde na e comunidad y hendenan den crisis a conta The Associated Press. “Djis horror y sanger y grito y confusion mientras hende tabata purba haya nan ser keru y telefonnan. E tabata un escena dramatico, horroso y tragico.”

E tiroteo tabata un acto cobarde, segun Larry Snelling, Superintendente di Chicago Police Department y Alcalde Brandon Johnson a bisa na un conferencia di prensa diahuebs. E tiroteo tabata isola na un localidad cu a huur pa un evento specifico, Snelling a comenta.

“Den cos di seconde, nan a logra tira 18 persona, kitando

4 bida,” el a bisa.

zolis a bisa cu e chauffeur inmediatamente a huy y cu no tin ningun hende bao detencion ainda. Snelling a pidi publico duna tip anonimo pa yuda e detectivenan identifica e sospechosonan. Polis a bisa cu 13 hende muhe y 5 hende homber di entre 21 pa 32 aña a ricibi tiro y cu e fayecidonan ta inclui dos hende homber y dos hende muhe. Por lo menos 3 ta herida criticamente, polis a bisa. Esnan cu ricibi tiro a ser hiba hospitalnan.

Snelling a bisa cu polis ta purbando di identifica un motibo y cu e sitio actualmente t acera “te ora cu nos por yega na kico a sucede y dicon.” Snelling no a duna un cantidad exacto di tirador pero a bisa cu polis a haya dos diferente caliber di bala y tambe ta evaluando imagennan di e tiroteo.

“Claramente, tabatin un obhetivo di un forma,” Snelling a bisa. “Esaki no tabata un acto aleatorio.”

Price a bisa cu hende pafo di Artis Restaurant and Lounge den e ciudad su bario River North a bis’e cu e tabata un fiesta pa lansamento di un album pa un rapper. Videonan riba rednan social a muestra cu tabatin un mat cora pafo y invitadonan ta baila y socialisa

paden.

E restaurant Creole, cu propietario di color scur y LGBTQ y cu a habri den april, a publica riba Instagram cu e tabata crea como un “espacio safe unda personanan di color scur, parti di e comunidad LGBTQ+ y comunidadnan aliado por reuni, celebra otro y sinti na cas na River North.”


Nan a bia cu loke “a sucede ayera anochi a stroba esaki den e manera mas doloroso.”

Mello Buckzz, un rapper di Chicago ken su base di fanatico ta mas tanto hende muhe, tabata dunando show na e restaurant pa e lansamento di su album. El a pidi oracion y a expresa su dolor y rabia riba rednan social.

“Mi curason a kibra den varios pida,” e artista a bisa riba su pagina di Instagram oran despues di e incidente.

Video a demostra hende ta warda y yora pafo di hospitalnan. Otro imagennan a demostra varios polis y ambulance na e escena unda e tiroteo a tuma luga.

Price a expresa tristesa cu e tiroteo a tuma luga pafo di un establecimiento local cu tabatin meta di haci un diferencia



den e comunidad y diana despues di celebracionnan den henter e ciudad pa Pride. “Hendenan mester di luganan asina awo,” Price a bisa. “E ta un mundo dificil.”

E tiroteo a tuma luga diana prome cu fin di siman unda ta celebra dia 4 di juli, ora cu Chicago y otro ciudadnan grandi hopi biaha ta mira un aumento den violencia cu

arma di candela, a pesar di disminucion en general di violencia cu arma di candela den añanan recien.

Aña pasa, mas di 100 persona a keda herida, incluyendo por lo menos 19 morto, durante e fin di siman festivo. Alcalde Brandon Johnson a bisa e tempo aki cu e violencia “a laga e ciudad den un estado di lamento.”

Balcannan Occidental ta enfrenta segura y restriccion di awa grave durante ola di calor



(AP) - Balcannan Occidental ta enfrenta un seca grave despues cu un ola di calor a golpia e region, strobando bida diario y creando problemanan cu agricultura y energia.

Temperaturanan riba diahuebs den Albania central a yega 40 grado Celsius y meteorologonan ta advertit cu lo tin scarcedad di yobida te cu september. Riunan ta casimente seco a causa di un falta di yobida recientemente.

E temperaturanan den aumento a causa cu autoridadnan di Albania a asisti agricultura local cu rednan di irigacion. Un proyecto pa tuma awa for di e Riu Mat pa yuda iriga cerca di 4,000 hectar di tereno agricultural edn un area ta keda completa riba diamars.

Tambe tabatin un impacto negativo riba Albania su produccion di energia, cual mas tanto ta bini for di stacionnan di hidroenergia den e pais su parti nort. E corporacion di energia nacional a inverti te hasta 60 milyon euro pa importa energia den e prome mita di e aña aki.

E estado su instituto meteorologico di Serbia a adverti cu "secura extremo" ta afectando e pais su cultivo, mientras cu e nivelnan di awa y riunan a cay.

Pueblonan chikito den henter Serbia tambe ta enfrentando restriccion riba awa potable.

Na Kosovo, un escasez di awa a cera un pool di aire liber

den e capital, Pristina, usa pa hende por refresca den e calor di zomer.

E pool di landamento Germia pafu di e ciudad tabata construi den fin di 1980 como un destino di entretenimento y ta considera un di esunnan mas grandi den e continente. Na e momento aki aña pasa, e pool tabatin entre 4,000 pa 5,000 bishitante diario.

Germia Park, conoci pa su bunitesa natural y recreacion, ta situa entre seronan y montañanan cu ta provee e pool su recurso di awa natural. Sinembargo e aña aki e pool su empleadonan no tabatin acceso na e 5.3 milyon galon di awa necesario.

Den añanan anterior, e ta tuma 6 dia pa yena e pool, sinembargo e aña aki e lo tuma mas cu 3 siman a causa di e segura, manager Bardh Krasniqi a comenta. "A causa di e ola di calor fuerte cu ta afectando e pais actualmente y tambe e region, desafortunadamente nos no por a habri e pool mas grandi den e pais," Krasniqi a comenta.

Cu pronostico di e temperatura cu lo yega na 35 grado Celsius diahuebs, Health Institute a urgi hende keda leu for di solo directo y a adverti muchanan, y adultonan mayor cu cualkier persona cu ta malo pa keda cas.

Na Bosnia, e temperaturanan di e pueblo Mostar a yega te 41 grado Celsius diahuebs, cu e cayanan casi completamente bashi den e calor extremo.



Ferry ta sink cerca di Bali lagando 29 persona perdi

Rescatistanan di Indonesia ta den buskeda di nan



(AP) - Rescatistanan di Indonesia tabata den buskeda di 29 persona cu te ainda no por a haya diahuebs, despues cu un ferry a sink y 6 persona a perde nan bida e anochi anterior cerca di Indonesia su isla resort Bali.

Un mucha homber di 3 aña y su mama tabata e victimanan mas recien kende su curpa a keda recupera diahuebs atardi. E 6 curpa localisa pa e rescatistanan lo ser hiba na nan famia den Banyuwangi, segun oficialnan a informa.

Desde diahuebs, 30 persona a keda rescata di e ferry su 53 pasahero y 12 miembro di cabina, Mohammad Syafii, hefe id Indonesia su National Search and Rescue Agency a bisa Metro TV.

KMP Tunu Pratama Jaya a hundi casi mey ora despues cu el a sali for di e waf Ketapang na e pueblo Banyuwangi diaranson atardi pa un biahe di 5 kilolmeter na Bali su waf Gilimanuk, autoridadnan a informa.

Un helicopter y 15 boto a busca sobrevivientenan cu asistencia di piscadornan y personanan na e costa. E operacion di buskeda cu a dura henter anochi a enfoca riba e parti nort di un ruta di biahe pa barconan, sinembargo e awa su coriente a cambia for di madrugada te mainta y varios victima a ser haya den area di parti sur, Syafii a splica.

"E condicion di e barco ta completamente bao awa, pues



tin un posibilidad cu ainda tin hende den e ferry. Sinembargo aworaki nos ta enfocando riba e superficie di awa prome," Surabaya Search and Rescue su hefe Nanang Sigit a bisa.

Awa ta un factor significativo den e esfuersonan di buskeda. Olanan fuerte di te hasta 2 meter halto y scuridad a stroba e empleadonan di emergencia durante anochi. Mientras cu e condicionnan a mehora diahuebs mainta, Indonesia su Meteorology, Climatology y Geophysics Agency a indica cu e olanan lo yega haltura di 2.5 meter y coriente cu biento fuerte diahuebs atardi.

"Pa awe su buskeda nos lo enfoca riba busca riba awa, mirando cu e victimanan inicial a ser haya den awa entre e sitio di e accident y waf Gilimanuk," Sigit a bisa den un declaracion diahuebs mainta.

Un oficial na e waf a mira e ferry hundi prome cu e rescatistanan por a keda alerta.

"E ferry no por a ser contacta via radio for di cuminsamento. Por a logra contacta e ferry via otro barconan di e mesun compania. Sinembargo e ferry tabata den mal condicion caba," sigit a bisa.

Varios di esnan rescata tabata inconsciente despues di drif den awanan bruto pa oranan, polis di Banyuwangi Rama Samtama Putra a bisa.

E sobrevivientenan a haya tratamento na Bali su Jembrana Regional Hospital y e oficina di waf na Gilimanuk. Algun miembro di e famia a yega e waf den panico of yoramento mientras nan tabata buscando informacion tocante nan ser keri.

Autoridadnan Indones ta investigando e causa di e accidente. Sobrevivientenan a bisa e rescatistanan cu tabatin un leak den e camber di motor di e ferry, cual tabata cargando 22 vehiculo incluyendo 14 truck.

MAKE YOUR MOVE

WITH A LOAN FROM
FACILITO CASH

START YOUR BUSINESS NOW, WE'LL BACK YOU UP!

with a Facilito Cash Loan
of up to AWG 23,000

Located In:

AMC Megastore
L.G Smith
Boulevard 144
Call +297-521-1143

AMC San Nicolas
Bernard Van De Veen
Zeppenfeldstraat 78
Call +297-521-1157

www.facilito.cash

- Quick approval
- Convenient location
- No collateral required
- Minimal documentation
- Many payment options

FacilitoCash

Etiopia ta afirma cu a completa dam controversial na Nilo cu Egipto ta rechasa

(AP) - Prome Minister di Etiopia a bisa diahuebs cu un dam hidroelectrico controversial riba Riu Nilo awo ta completo, un logro grandi pa su pais den medio di un disputa cu Egipto tocante partiemento equitativo di e awa.

Egipto tin hopi tempo ta opone e dam a causa di preocupacionnan cu e lo caba su parti di e awanan di e Riu Nilo. Egipto a referi na e dam, conoci como Grand Ethiopian Renaissance Dam, como un menasa existencial pa motibo cu e mundo Arabe su pais mas pobla ta depende casi completamente riba e riu pa provee awa pa agricultura y su mas di 100 miyon persona.

Negociacionnan entre Etiopia y Egipto durante e añanan no a resulta den un pacto, y preguntanan ta keda tocante con hopi awa Etiopia lo libera si un segura sucede.

E Prome Minister di Etiopia

Abiy Ahmed, den su speech dirigi na legisladornan diahuebs, a bisa cu su gobierno ta preparando pa su "inauguracion oficial" den september. "Mientras cu tin esnan cu ta kere cu e mester keda stroba prome cu e momento ey, nos ta reafirma nos compromiso: e dam lo keda inaugura," el a bisa.

Abiy a bisa cu su pais ta keda "comprometi pa garantisca cu nos crecemento no ta riba lomba di nos rumannan Sudanese y Egipcio. Nos ta kere den progreso comparti, energia comparti y awa comparti," el a bisa. "Prosperidad pa un mester nifica prosperidad pa tur."

Etiopia y Egipto tin varios aña purbando di yega un acuerdo tocante e dam di 4 miyon dollar, cual Etiopia a cuminsa construi den 2011. Tensionnan a causa di e dam, esun mas grandi den Africa, un tempo tabata asina halto cu algun observador tabatin miedo cu e dos pais lo caba

den guerra a causa di esaki.

Sinembargo Etiopia a gana e sosten diplomatico di e nacionnan manera Uganda, cas di un partnership regional di 1- pais cu aña pasa a firma un acuerdo tocante e uso equitativo di e recursonan di awa pa e Riu Nilo.

E acuerdo di e partnership aki, conoci como Nile Basin Initiative, a drenta na vigor den october sin cu Egipto of Sudan a ratifica esaki.

E dam, cerca di e frontera cu Sudan, a cuminsa produci energia den 2022. E proyecto ta anticipa di produci 6,000 megawatt di electricidad, cual ta doble di Etiopia su produccion actual y suficiente pa haci e nacion di 120 miyon un exportador di energia neto.

E dam ta situa alrededor di 500 kilometer west di e capital di Etiopia. E ta 1,800 meter largo y 175 meter halto, y tin sosten di un reservoir cu

por wanta te hasta 74 biyon meter cubico di awa, segun e contratista principal.

Etiopia ta insisti cu e dam ta un desaroyo crucial cu lo yuda saca miyones di ciudadano for di pobresa y bira un exportador di energia grandi. No tabata inmediatamente posible pa haya un comentario fir di Egipto, cual tin hopi tempo ta eclara su derechonnan na awa di e riu

segun terminonan di un acuerdo di era colonial.

E acuerdo entre Egipto y Reino Uni a duna Egipto y Sudan derecho na e awa di e riu, cu Egipto tumando e mayoria.

E acuerdo aki, firma prome den 1929, no a tuma na cuenta e otro nacionnan na e riu cu a existi un acuerdo mas equitativo.

